

Jon Baptit mangai palauq trong...

1..

¹Baxèm Bàu lem da Chuaq Jesus Christ ,kon calô Boc Plinh.² Tiah ka khoe achih tanòe hset pajàu Êsai rameh

Kô au the dèh mangai wê bàu lam enh ngèa ka Ìh ,

Haq aih mangai òòeq hu palauq ka Ìh trong.

³ I bàu creò tanòe hawit ,

Palauq òòeq trong ka Chuaq,

Pajang trong lam ka haq .

⁴ Jon Baptit khoe trùh tagùng hawit , hnài rai broq ka wì ramènh baptem da kan raxach,dôq jah kan caqnaih yiniq lui ⁵ Dìq dõng cròng diac Juda xam mangai oe ta Jêrusalem trùh dìq ta haq. Anoe paqnoh dèh yiniq lui rai dôq haq broq baptem ka wì ta diac Jodan . ⁶ Jon caxùnh eo broq enh xàc lõcđa ,kàt caqnam xam caxi akia , acaq toq bài líp rai ôq diac xùt rôm wang . ⁷ Haq hnài rameh :Atiq ka au kô èh , I mòeq ngai i cwiang ùh hnau ka au , au ùh taji ka jah broq ðeh mangai kùp lèh caxi jep haq , ⁸ Au broq baptem ka pì xam diac ,mahaq Haq aih èh broq baptem ka pì xam Yiang Hadròeh .

Baptem ka Jesus....

⁹ Jò aih Chuaq Jesus trùh enh Naxaret gùng Galili , haq dôq Jon broq baptem ka raðeh ta diac Jodan. ¹⁰ Jò Jesus bu loh enh gùng ka diac , haq hnoq plình tapèh èh Yiang Hadròeh tiah ka trù, loh jràp ta haq . ¹¹ Èh i bàu loh enh plình doe : “ Kô Kon da Au loq waq dèh , haq lem manoh Au rìm trong.”

¹² Jò aih raq, Yiang Hadròeh qmùt haq tagùng hawit . ¹³ èh haq oe tanòe hawit aih pôn jàt hì , dôq Satan padô raðeh . ¹³ Haq oe pajùm mòeq qmang ti bài ngè rôm , khoe èh i bình plình trùh patih ka haq.

Jesush hnài ka wì loq bàu lem.....

¹⁴ Atiq ka wì rùp clêh Jon . Chuaq Jesus trùh ta Galili hnài Bàu lem da Boc Plinh . ¹⁵ Haq doe : “ Khoe trùh jò ! Diac Boc Plinh trùh khoe haten, drah raxach rai lùì Bàu lem beq .

Jesus creò ka mangai tiaq hõc ma baxèm.....

¹⁶ Jeus lam jènh ti haqmai diac raxiq Galili, haq hnoq Simôn xam oh haq , qnang tang hlàm ta hlõng , majah qmang aih wa aih dìq mangai ranang ka . ¹⁷ “ Drah tiaq Au , dôq au hu the chôp lam tang hlàm mangai.” ¹⁸ Jò aih raq ,wa caðac dõng dèh hlàm lam hloe ti haq .

¹⁹ Chuaq Jesus lam hi hangai ka aih toq biaoq ,haq hnoq Jaco kon Sêbêðê xam oh haq oe ta boang ,qnang padon dèh hlàm. ²⁰ Ùh lòm trò,Haq creò ka wa aih , èh wa oh daq aih òòeq Sêbêðê baq wa haq, oe ta boang ti bài mangai broq acaq kùng , òòeq tiaq haq.

Jesus drùh qnoh kan kan kiac.....

²¹ Wì haq lam ta Cabênaum , trùh hì Sabat , Chuaq Jesus mùt tanòe hnim tagop qyoh , haq hnài wì . ²² Dìq ka mangai oe ta aih hamàih ka bàu haq hnài , majah qmang aih bàu haq hnài wì tiah ka mangai i cwiang itai , ùh xài troeq da bài mangai hnài ranenh . ²³ Hanoh jò aih , tanòe him tagop qyoh i moeq ngai kiac pawè , ²⁴ haq creò :Jesus ,mangai Naxaret , Ìh enh broq cleq ka nhèn , Ìh trùh hu palùng đac nhèn qmòh ? au loq Ìh qmat cabô :Ìh ,Mangai hadròeh da Boc Plinh . ²⁵ Chuaq Jesus tapoch ka haq : “ Oe ma hatinh haq! Drah loh khoe ka mangai kô !” ²⁶ Kiac jròng rapôh mangai aih , rai cachech cadêh èh hi loh hloe enh gùng ka mangai aih. ²⁷ Mangai leq mangai meh hamàih đeh hra ,wì bòch dabau : Cleq kô iq wa,kô trong hnài maneo qmòh ? Mangai kô joq i cwiang ,trùh kiac jròng dua iu bàu haq thê ! ²⁸ Yiniq haq wì ràu , malòq khoe jàp dudan gùng Galili.

Jesus broq brêh bəc ngai....

²⁹ Bu loh enh nòe hnim tagop, Chuaq Jesus xam mangai tiaq hóc lam ti Jaco xam Jon mùt ta hnim Simôn xam An rê . ³⁰ Miq mai Simôn tacat qnang caqnùng ta juàng , wì drah anoe ka Chuaq Jeus loq . ³¹ Chuaq Jesus lam trùh nòe haq kùi ,carùp ti rai dèch haq yòng . Kan tacat hi hnhung ,èh haq hi patih ka wì.

³² Xèq aih, jò mahi khoe clih , wì aràng bòe mangai ùh hróc xam bài mangai i kiac pawè trùh ka Chuaq Jesus . ³³ Dìq đống ka mangai oe ta plài , tagop dabau yòng ajang qmang hnim, ³⁴ Chuaq Jesus broq bəc ngai brêh ka yiniq. Haq hadai drùh qnoh bəc kiac , mahaq Haq ùh lòh bài kiac doe cleq, majah qmang aih bài kiac aih loq ka haq.

Jesus waiq khàn tanòe hawit.....

³⁵ Sroeh sroq, jò tróc oe raq clam , Chuaq Jesus loh enh hnim lam tanòe hawit , haq waiq khàn ta aih . ³⁶ Simôn xam bài bua lam chaq haq , ³⁷ Jò hnoq Haq ,wì doe : Rìm ngai qnang ti chaq ih . ³⁸ Chuaq Jesus padreo bàu : “ Beq bèn lam taqnoeq , trùh roc plài haten ta kô , đòq au hu hnài ta aih . Jao aih iq raq au majah khoe trùh.” ³⁹ Haq lam jàp gùng Galili, hnài ta hnim tagop qyoh rai drùh qnoh kan kiac.

Jesus broq brêh ka mangai bacùn.....

⁴⁰ I mòeq ngai bacùn trùh ti Haq, rai hacùn cràng rai waiq : Waiq Chuaq !Tàng joq ih ma waq , ìh broq au brêh. ⁴¹ Chuaq Jesus tamèt ta manoh , haq hnho ti bèq mangai bacùn aih , haq doe : “ Au waq, brêh beq.”

⁴² Tajòe qmòe, kan bacùn hnhung hloe haq aih hi jah brêh. ⁴³ Chuaq Jesus thê haq aih loh enh gùng rai tanap :⁴⁴ “ Ngan oq ! ùh jah anoe ka cabô loq.Mahaq ìh lam patô rađeh enh ngèa ka bài pajàu ,ìh khoe jah brêh qmat , ìh dèch ramènh troeq bàu Môise thê òeq anoe patô ka wì. ⁴⁵ Yàng èh ,loh enh gùng, haq bahia yiniq kô ,lam pang leq haq anoe pang aih , jaq Chuaq Jesus loh ka pi jah mùt ta plài ka lem ,haq ep oe đeh enh gùng, oe tanòe hawit , èh wì phù cròng jàp jia trùh ti haq.

2...

¹ Bìaq hì atiq ka aih ,jò Chuaq Jesus wìh hlài ta Cabênaum , wì ta aih tàng doe haq oe ta hnem ,² Wì tagop dabau ta aih bəc joq qnàng. Jaq ajang trong qmang dua ùh anòh oe . Haq hi hnài wì . ³ I mangai trùh ,aràng ka haq mòeq mangai pen ,i pôn ngai wiang tòng. ⁴ Mahaq mangai bəc hrìn wì haq ùh jah trùh ka haten ka Chuaq Jesus ,wì haq hit kùa po hnim tajang ka nòe Chuaq Jesus hangui , jang nòe trom aih wì cadrai qnoh mangai pen . ⁵ Jò Chuaq Jesus hnoq kan lùì wì aih , Haq doe ka mangai pen : “ Kon ôi, dìq đống yiniq lui kon khoe jah caqnaih” , ⁶ Mahaq i bìaq ngai hnài ranenh hangui ta aih , wì haq hèm dèh ta manoh , ⁷ Hagleq mangai kô majah doe qmang aih? Haq jòq pi hòq qmòe ka Boc Plinh ! Enh gùng ka Boc Plinh oe i cabô ma jah caqnaih yiniq lui ? ⁸ Ta jòe qmòe jò aih , Chuaq Jesus loq ka manoh wì aih hèm cleq, Haq doe ka wì : “Hagleq pì majah hèm qmang aih? ⁹ Manoèq kô doe ka mangai pen kô :Yiniq

lui kon khoe jah caqnaih, tàng ùh meh doe : Yòng beq! Dèch da ìh dradrah qmat hlài beq ! Baiq bàu aih ma leq ma yì hlàu ka anoe ? ¹⁰ Mahaq Au enh ka pì loq Kon mangai oe crông taneh kô i cwiang caqnaih yiniq lui” , khoe aih Chuaq Jesus doe ka mangai pen , ¹¹ “Au the ìh yòng beq ,xùi dradrah qmat hlài ta hnim” . ¹² Mangai pen padinh yòng , dèch dèh dradrah lam enh ngèa dìq dǒng ka wì . Dìq dǒng mangai leq mangai meh hamàih ðeh hra, wì manè apôi Boc Plinh rai doe : Bèn qnhòq hmaq hnoq kan halac qmang kô!

Jesus creo ka Lêwi ...

¹³ Chuaq Jesus wìh hlài kênh haqmai diac raxìq hòm . Haraya mangai trùh ti haq, haq hi hnài wì ¹⁴ Jò Haq qnang lam ti trong ,haq hnoq Lêwi ,kon da Aphê qnang hangui ta hnim yǒc thèq . Chuaq Jesus doe ka haq “Lam tiaq au .” Lêwi hi padinh yòng tiaq hloe haq. ¹⁵ Jò Chuaq Jesus hangui acaq ta hnem Lêwi,i bàc ngai yǒc thèq xam bài mangai broq trong ùh lem hanoh hangui acaq moeq qmang ti Chuaq Jesus xam mangai tiaq hǒc haq . ¹⁶ Jò mangai hnài ranenh aih bài mangai moeq bua ka mangai Pharisi hnoq Chuaq Jesus acaq ti bài mangai yǒc thèq xam bài mangai broq trong ùh lem , wì bòch bài mangai tiaq hǒc haq : Gleq Haq ma acaq pajùm ti bài mangai yǒc thèq xam bài mangai i yiniq lui ? ¹⁷ Tàng bàu aih, Chuaq Jesus hi doe ka wì : “ Mangai tadêh ùh nhet cleq ka mangai broq jreo , mahaq mangai ùh hrǒc ma nhet ðeh, au trùh ùh xài ðòeq creo ka mangai taq atoq mahaq ðòeq creo ka mangai i yiniq lui”.

¹⁸ Jò aih, mangai tiaq hǒc da Jon xam mangai ma tiaq hǒc da mangai Pharisi dìq apàm ka acaq. I mangai trùh bòch Chuaq Jesus : Hagleq mangai tiaq hǒc da Jon xam mangai ma tiaq hǒc da mangai Pharisi dìq apàm ka acaq ,mangai tiaq hǒc da ìh ma ùh apàm ? ¹⁹ Chuaq Jesus doe : “Jò acaq yineang ,bài bua cla Kon ǒng ma wìa ka apàm ka acaq jò cla kon ǒng oe raq ti wì ? ²⁰ Mahaq , trùh jò wì ma hi qnung cađac Haq , hì aih èh wì ma hi apàm ka acaq. ²¹ Ùh i mangai leq yǒc ahyah neo clep qmùt ta blah eo dǔnh , broq qmang aih , calep neo dǔnh hyah ka eo dǔnh, teo hyah aih rai hamoq ùh hnau ka adroe hòm ²² Hanoh ùh i mangai leq yǒc alac neo ùc qmùt ta abôq akia dǔnh , broq qmang aih, alac broq ka abôq akia padah , alac ta-ùc ,abôq akia hanoh pi oe.

Hràt kaq hadròc qmau

²³ Wop hi Sabat , Chuaq Jesus xam mangai tiaq hǒc lam trong ðùng qmau , jò lam ti trong ,mangai tiaq hǒc git hadròc qmau hu kaq .²⁴ Mangai Pharisi hnoq , wì doe ka haq : Ìh ngan tau , hagleq mangai tiaq hǒc Ìh broq yiniq ma ùh khòh broq ta hì Sabat ? ²⁵ Chuaq Jesus doe : “ Pì ma qnhòq đóc ta hset, bùa Đawit broq cleq jò haq xam mangai tiaq haq pangot qmòh ? ²⁶ Qnhòng Abitha broq pajàu kàn , bùa aih mùt tanòe hnim kùh waiq Boc Plinh ,bùa aih acaq bèn hì wì ma padon , hadai am ka wì ma lam tiaq haq acaq dìq, hì loq bèn hì aih toq bài mangai pajàu ma khòh acaq ?” ²⁷ Khoe aih ,Haq doe : “ Taiq kon mangai kô majah broq loh hì Sabat ,ùh xài jao hì Sabat ma jah broq loh kon mangai.²⁸ Qmang aih , Kon Mangai broq craq hì Sabat.

Mangai ngwenh tì

3..

¹ Yàng qnoeq , Jesus mùt tanòe hnim tagop qyoh , ta aih i mòeq ngai gualô ngwen moeq pah tì . ² Ta aih i qnah ngai rap chaq nen hu rùp haq, wì hamrìh ngan hì sabat haq i broq brêh ka mangai aih ùh ,đòeq hu tah hadrah ka Haq .³ Chuaq Jesus doe ka mangai angwen tì : “ Yòng beq ! lam oe taqne kô.” ⁴ Khoe èh Chuaq

Jesus bòch wì : “Tiaq ranenh hì Sabat ,broq trong leq ma troq! Khòh broq trong lem loq khòh broq trong qmèq ? khòh dèch mangai ,loq khòh jêh cađac mangai ?” Mahaq diq ka wì oe hatinh dõng. ⁵ Haq haqmiang ngan dudan ka wì , rai nòeh rai mangò ka manoh wì ma cadoq hrin , khoe aih haq doe ka mangai angwen ti : “ Hnhu ti ih qmat !” haq aih hi bahnho h dèh ti , aih ti haq hi brêh . ⁶ Bài mangai Pharisi loh hloe jò aih raq, wì dra h taqmùt pajum ti bua Hêrot òeq hatinh ka dabau chaq trong jêh đac Jesus.

⁷ Chuaq Jesus xam mangai tiaq hõc wia enh aih , wì haq loh ta haqmai diac raxiq , haraya mangai trùh enh gùng Galili , Judê ⁸ enh Jêrusalem , gùng Ydumê , wì pah tau cròng diac Jođan , hloe xam gùng Tyro gùng Sidôn , hĩa tàng bài yiniq haq ma khoe broq , wì trùh diq ta Haq ⁹ Mangai bàc pi cajaq ,haq hi thê dèh mangai tiaq hõc palauq òeq ka haq mòeq toq boang qyoh, dòq wì ùh hĩaq dahnen ka haq ¹⁰ Haq khoe broq bàc ngai jah brêh ka hiniq , aih iq bài mangai ùh hrõc majah àu hnen waq ka jah bèq Haq. ¹¹ Jò bài kiac dù hnoq Chuaq Jesus , wì bla op anòe jènh haq ,rai breo : Ìh kô kon Boc Plinh ! ¹² Mahaq Chuaq Jesus ùh lòh wì aih anoe ka cabô loq ka haq.

Ràih yõc moeq jàt baiq ngai.....

¹³ Khoe aih , Chuaq Jesus tõi ta wang , haq creò ka bài mangai haq ma enh , wì aih hi trùh ti haq . ¹⁴ Haq hi ràih yõc moeq jàt baiq ngai , òeq hu oe ti haq, èh òeq haq hu thê wì loh lam hnài bàu lem ¹⁵ Haq am ka wì aih cwiàng itai òeq drùh hnan kan kiac ¹⁶ Kô ! yiniq wì moeq jàt baiq ngai tiaq cla Haq ma khoe di : Simôn ,Haq yiniq hlài Phiero , ¹⁷ Jaco xam Jon oh haq ,wa aih kon Xêbêdê ,Haq yiniq am ka wa Bô-anet (aih la kon calô da kan camlet kan cađah) ¹⁸ Anrê , Philip , Bathêlemy, Mathio ,Thôma ,Jaco kon da Aphê ,Thadê ,Simôn ,mangai Canaan , ¹⁹ Hloe xam Judá Icariôt,mangai ma blòq đac Haq.

loh yiniq lui ka Yiang Hadròeh.....

²⁰ Atiq ka aih , Chuaq Jesus mùt tanòe hnim , i bàc ngai tagop dabau ta aih , Chuaq Jesus xam mangai tiaq hõc loh ka pi jah acaq.²¹ Jò wì oh daq Haq tàng qmang aih , wì trùh òeq hu padràng haq, majah qmang aih wì doe haq khoe rawè . ²² I bài mangai hnài ranenh loh enh Jêrusalem ,wì aih doe : Mangai qmat, kiac Bênxebun khoe mùt ta chac haq , haq qmat canòm ka cla craq kan kiac òeq drùh qnoh kiac . ²³ Chuaq Jesus creò ka wì aih ,haq aliah ka wì : “ Satan hnan cla Satan qmang leq majah? ²⁴ Tàng joq diac leq to lah rađeh ,điac aih èh pi dràng yòng , ²⁵ Hnim leq ,to lah rađeh ,hnim aih èh hadai pi dràng yòng ²⁶ Qmang aih ,tàng joq Satan yòng tablêq ka cla rađeh , aih ajoq haq hit dađeh , haq yòng qmang leq ma oe dràng, ajoq haq khoe trùh dèh jò lũng pac . ²⁷ Ùh i mangai leq jah mùt ta hnim mangai dèh padren òeq hu atùng, tàng joq ùh kàt òeq cla mangai aih adroe ,ep kàt cla haq aih òeq ,khoe aih men jah atùng yõc hang ta hnim haq . ²⁸ Au anoe joq qnàng ka pì, yiniq lui kon mangai diq jah caqnaih dõng xam rìm nà tapoch qmèq ka Boc Plinh hanoh qmang aih . ²⁹ Mahaq cabô tapoch qmèq ka Yiang Hadròeh ,yiniq lui aih ùh jò leq jah caqnaih , haq pòq hloe dèh mòeq òeq”. ³⁰ Chuaq Jesus ma jah doe qmang aih, jao wì aih doe : i kiac oe ta chac haq .

³¹ Jò miq Chuaq Jesus xam bài oh haq trùh , wì aih yòng enh gùng , thê mangai lam doe ka Haq . Bài mangai bàc dua oe raq du danh ka Haq . ³² I mangai lam doe ka Haq: Miq xam oh ìh wì oe enh gùng , wì enh chaq ìh.³³ Mahaq Haq doe ka wì : “ Cabô miq au , cabô oh au ? Haq ngan wì ma hangui tap dan ka haq rai doe: “ Hatau miq au , xam bài oh daq au ! ³⁵ Mangai leq broq tiaq manoh Boc Plinh ,aih raq oh daq calô , oh daq ca drì , aih raq miq au.

4..

¹ Chuaq Jesus hnài hòmh tanòe haqmai diac raxìq. I bàc ngai tagop ti dabau oe dudan ka haq .Haq cadiang tồc hangui ta boang , bài wì mangai bàc oe òi tago ti kênh haqmai diac . ² Haq yỏc bàu alìah hnài wì bàc trong , Jò hnài wì ,haq doe , ³ : “Tamàng kô , i mòeq ngai lam rai dềh adrech . ⁴ Jò haq qnang rai adrech ,i tang qnah adrech taclih ti trong lam, khoe aih i chìm loh jỏh caq đổng .⁵ qnah hòmh taclih tanòe hmo raga , ta aih taneh toq bìa ,adrech aih rênh plôh , majah qmang aih taneh catùh ùh jrùq .⁶ Mahaq jò mat mahi tồc haqnheq ,kan tôq jraq , haq hi cachit ka croh,majah qmang aih haq ùh i ka riah.⁷ Mòeq qnah hòmh taclih ta xem yila , xem yila èh rai cràm , padit cađac haq loh ka pi hrỏc srỏc.⁸ Maqnoeq taclih nòe taneh lem , jah yỏng kàn , loh ka tacon ,mòeq pliang jah piq jàt , mòeq pliang jah tadràu jàt ,pliang qnoeq jah moeq hrinh .”⁹ Khoe aih Haq doe : “ Cabô i don , tamàng beq!”¹⁰ Jò Chuaq Jesus oe đeh moeq ngai , bài wì ma oe dudan xam mòeq jàt baiq ngai tiaq hỏc bỏch haq bàu alìah aih anoe cleq .¹¹ Haq doe ka wì : “ Kan hlẻp oe ta diac Boc Plinh khoe patô am ka pì loq .Mahaq bài wì ma oe enh gùng tau , rìm yiniq òi anoe ka wì xam bàu alìah.”¹² Qmang aih òi wì ngan mahaq ùh hnoq cleq , tamàng aih tàng ,mahaq ùh qnì cleq , ùh qmang aih wì tawih hlài ajoq wì haq jah claih dềh yiniq lui.”¹³ Khoe ka aih Haq doe ka wì : “ Pì ùh qnì tàng bàu alìah aih qmỏh? Aih èh broq qmang leq pì ma loq tàng rìm bàu alìah qnoeq? ¹⁴ Mangai loh rai adrech aih mangai rai bàu lem ,¹⁵ Mangai oe ti trong ,aih mangai khoe jah bàu mùt ta manoh ,mahaq bu tàng bàu aih, tajỏe hloe jò aih raq kiac Satan trùh blah yỏc hloe bàu ma khoe rai ta manoh wì haq .¹⁶ Hadai tiah ka qmang aih òi,mangai jah adrech taclih nòe raga , aih bài mangai bu tàng bàu khoe òi jaq lem bùi yỏc ka rađeh .¹⁷ Mahaq ta manoh cliac wì haq ùh i ka riah, rih toq bìa hi , glàm kan tagah , kan baxa taiq bàu aih , wì tacro draq òi jò aih raq.¹⁸ Èh òi bài mangai qnoeq hòmh, tiah ka adrech clìh nòe xem yila ,khoe tàng bàu , ¹⁹ mahaq loq lẻt ka rih qmỏe qnhỏng kô , enh waq toq ka padrỏngkan , xam bài yiniq qnoeq hòmh mùt ta manoh wì haq wiang padit cađac , bàu lem loh ka pi caqmon . ²⁰ Mahaq mangai qnoeq hòmh ,tiah ka adrech taclih nòe taneh lem ,aih bài mangai tàng bàu , wì wẻ yỏc bàu aih , loh plì ,mòeq pliang jah piq jàt , pliang qnoeq jah tadràu jàt ,pliang qnoeq jah moeq hrinh”. ²¹ Haq doe hòmh ka wì : “ I cabô bùh òi mahaq gùp xi cađap tàng ùh meh òeq ta caqnàm jàng loq ùh ? Ma ùh xài òeq tanòe haqnheq ?²² majah qmang aih ùh i cleq hlẻp èh wì ma ùh hnoq , ùh i yiniq leq cadoc èh wì ma ùh paqnoh.²³ Tàng cabô i don ,tamàng beq”. ²⁴ Haq doe hòmh : “ Rabiaq haq oq, rìm trong pì ma tàng , pì tống xam ranac leq ,ranac aih raq wì ma hu tống hlài ka pì , ra-ùng haq tah tam ùh hnau ka aih hòmh .”²⁵ Majah qmang aih ,bri ka am tam ka mangai leq khoe i , mahaq mangai leq ma qnhỏq i , doeh yỏc hloe yiniq haq ma khoe i”. ²⁶ Haq anoe hòmh : “ Diac Boc Plinh tiah ka mangai rai adrech ta taneh, ²⁷ yac cla haq aih kùi ,yac cla haq rìu , dahi damang ardech aih dua plôh đeh , cla haq ma i loq qmang leq . ²⁸ Majah qmang aih taneh broq dềh ka long aih loh plì , baxẻm aih loh long ,atìq aih loh riang , khoe aih riang loh plì . ²⁹ Jò plì hi dùm , haq hi qnoh pla haiq ,majah qmang aih khoe trùh jò gat. ³⁰ Haq doe hòmh : “ Bẻn yỏc cleq hu alìah ka diac plinh kô èh , yỏc kan patiah leq òeq hu paqnoh .? ³¹ Diac aih tiah ka adrech habài : Jò wì rai haq aih yeo qyoh òi đổng ka adrech qnoeq . ³² Mahaq jò khoe rai , haq hi jah plôh ,haq yeo kàn đổng ka cachiq qnoeq , loh hamen kàn , jaq chìm met lam broq qmỏe pù ta aih. ³³ Haq yỏc bàc trong alìah qmang aih, òeq hu hnài wì rìm trong ,tiaq dềh wì bu loq tàng òi leq .³⁴ Yac ka jò leq hnài wì dua haq yỏc bàu alìah òeq hu hnài , mahaq jò ùh i ka mangai qnoeq , haq hi capoch ka hloh òi bài mangai tiaq hỏc loq tàng ,

Bahùt taqne diac

³⁵ Hì aih jò mahi khoe haqneq , haq doe ka bài mangai tiaq hóc : “ Beq bèn tồc apah tau , ³⁶ Jò Haq khoe thê bài mangai bàc hlài ,haq tồc ta boang , bài mangai tiaq hóc chùng boang qnung haq lam , i bài boang qnoeq hadai lam tiaq , ³⁷ I kan bahùt kàn , lai laq dềh tep ta boang , diac ten bình qmòe ta boang . ³⁸ Mahaq oe enh cloh boang , Chuaq Jesus angèn gàu ajang gôiq haq kùì . Mangai tiaq hóc tùh padriu haq : Mangai hnài ! bèn cachit manòeq raq ìh ùh lèt qmòh? ³⁹ Haq hi yòng , lech ka cayeo rai tagàih ka diac : “ Hatinh beq , rangep beq!” Cayeo hi òiq , diac loh ka hatinh hatot hloe . ⁴⁰ Khoe aih Haq bòch mangai tiaq hóc: “Hagleq pì ma yùq , pì qnhòq i manoh lùì qmòh? ⁴¹ Wì mangai tiaq hóc tarit qmòe rai bòch dabau :Òq mangai kô ìq cabô ? jaq trùh cayeo ,trùh lai laq diac raxìq,dìq iu bàu haq!

Mangai Jêrasê

5 .. ¹ Chuaq Jesus xam mangai tiaq hóc tồc trùh tago apah tau diac , tagùng Jêrasê . ² Haq bu cadiang loh enh boang , tajòe qmòe i moeq ngai kiac khoe pawè , tùh loh enh nòe cadràng hanang lam ajang ngèa Chuaq Jesus . ³ Mangai aih haq rìh toq roc nòe cadràng hanang , yac ka wì kàt haq xam caxi datoeq dua ùh dràng , ⁴ Majah qmang aih khoe bàc yàng wì clang jènèh tì haq dua haq goh wah cađac, pì cabô oe blêq haq 5 xèq ka hì qngah ka mang haq rangòt roc ralùng hanang xam ta wang , cachech ,cajiah yóc hmo xah dềh ta chac . ⁶ Oe enh hangai haq hnoq Chuaq Jesus , haq cadàu tùh kùn cràng ajang ngèa Chuaq Jesus . ⁷ rai breo ka dềh : Jesus ,kon da Boc Plinh ma haqnhèq , ìh enh broq cleq ka au ? Au canòm yiniq Boc Plinh hu doe ka ìh apaq baxa dềh ka au ! ⁸ Majah qmang aih Chuaq Jesus i doe ka haq : “ Kiac dù meh ,drah loh enh gùng ka mangai kô .” ⁹ Chuaq Jesus bòch haq hòm : “ Gè qmat yiniq cleq .” haq aih doe : yiniq au bài linh ,majah qmang aih nhèn bàc haraya , ¹⁰ Èh haq toq cali calo ka Chuaq Jesus apaq hnan qnoh wì haq loh enh gùng aih .¹¹ I moeq calùh chùa qnang acaq ta hidroewang haten ta aih ¹² Kiac aih bòch Chuaq Jesus : ìh am nhèn trùh ajang calùh chùa tau, dòq nhèn mùt ta bài chùa tau . Chuaq Jesus òq bàu .¹³ Bài kiac aih hi loh enh mangai aih, mùt ta chac calùh chùa , bài chùa oe enh bùc haqnhèq hadrùc loh ta hlông , jah qnah ta baiq muàn toq chùa cachit ta diac raxìq .¹⁴ Bài mangai ban chùa cadàu amot , wì haq anoe hlài yiniq kô jàp ka gùng ka plài ta aih . Dìq ka mangai ta gùng aih dahrôq loh ngan yiniq aih .¹⁵ Jò wì haq trùh ajang nòe Chuaq Jesus , wì haq hnoq mangai ma i calùh kiac oe ta chac ,qnang hangui , atàc eo kwàn ,gàu ngoc haq khoe talang , wì òiq jaq crè.¹⁶ Bài mangai ma khoe hnoq yiniq aih ,anoew hlài ka wì qnoeq tàng yiniq ma khoe trùh ka mangai i kiac mùt ta chac ,anoew hloe yiniq ma khoe loh ka calùh chùa .¹⁷ Khoe aih òiq ka mangai ta aih hi pì lòh Chuaq Jesus mùt dềh ta gùng.

¹⁸ Jò Chuaq Jesus bu cadiang tồc ta boang , mangai adroe nèh kiac ma khoe pawè, haq bòch tiaq .¹⁹ Chuaq Jesus ùh am haq tiaq , mahaq Chuaq Jesus doe ka haq: “ Hlài ta hnim ìh beq, anoe ka oh daq ìh loq Chuaq khoe broq am ka ìh yiniq kàn dàng leq ,haq khoe loq waq ka ìh qmang leq.²⁰ Mahaq mangai aih loh lam anoe jàp moeq jàt baiq plài oe ta cròng aih . Haq taqmon hlài yiniq kàn dàng leq Chuaq Jesus khoe broq am ka rađeh, Dìq ka mangai tàng hamàih đeh hra.

Kon cadri Jairu.....

²¹ Jò Chuaq Jesus xam mangai tiaq hóc loh ta boang tồc pah tau ,i bài mangai bàc tagop ti da bau oe dudan ka haq, haq oe ti haqmai diac ra xìq .²² Ta wì mangai ma broq gàu hnim tagop qyoh ,i mòeq ngai yiniq haq

Jairu ,trùh ti Chuaq Jesus , jò bu hnoq Chuaq Jesus haq hacùn cràng ajang nòe jènh Chuaq Jesus.²³ Haq anoe : Kon cadri au ma qyoh, ten cachit , au canòm ðeh ka Ìh trùh bèq chac haq,dôq haq hu jah rih hlài.²⁴ Chuaq Jesus lam ti haq , bài mangai bàc hadai lam , wì ti dahren ka haq.²⁵ Ta aih i mòeq ngai gùcadri da hrôq mahim khoe moeq jàt baiq hanam, ²⁶ Khoe bàc hanam haq xalep ta tì kông bài mangai broq jreo ,khoe ðiq ðông ðeh ka bàc jèn kùng hang ,dua ùh yeo, mahaq yiniq aih èh rai hrin tam .²⁷ Haq tàng wì anoe trùh Chuaq Jesus ,haq thia ðeh enh rù , pachiu taqne mangai bàc ðòeq hujah bèq eo Chuaq Jesus.²⁸ Majah qmang aih haq doe :Tàng joq au jah bèq ðeh toq haqmai eo haq raq, aih au loq ðeh brêh.²⁹ Tajòe qmòe jò aih , mahim hi atàt,haq tàng ðeh ta chac khoe brêh.³⁰ Jò aih raq , Chuaq Jesus loq i padren khoe loh ðeh enh chac , haq hwi hlài taqne mangai bàc haq bòch : “ Cabô khoe bèq au.”³¹ Bài mangai tiaq hõc doe : Ìh hnoq bài mangai bàc qmang qmat dahren ka ìh ,ìh ma oe bòch : Cabô bèq eo au?³² Mahaq dua Chuaq Jesus hwi dudan hu chaq mangai leq khoe broq qmang aih.³³ Mangai gùc cadri loq yiniq leq ma khoe trùh ka raðeh , rai yùq crè ,haq hacùn cràng enh ngia Chuaq Jesus rai anoe paqnoh ðiq ðông .³⁴ Chuaq Jesus doe ka haq : “ Yôiq kon cadri au ,manoh kon lùì khoe broq kon jah brêh. Lam beq lam ka catèm brêh ka yiniq .”

³⁵ Chuaq Jò Jesus oe raq tapoch , i mangai trùh enh hnim Jairu ,mangai broq gàu tanòe hnim tagop qyoh, wì aih doe : Kon ìh khoe cachit , ìh oe pangài ðeh ka haq qmat? ³⁶ Mahaq Jesus ùh tamàng bàu aih ,haq doe ka Jairu : “ Apa qyùq, ìh rap toq lùì raq .” ³⁷ Chuaq Jesus ùh am mangai leq tiaq haq enh gùng ka Phiero , Jaco xam Jon oh Jaco . ³⁸ Jò khoe trùh ta hnim mangai broq gàu nòe hnim tagop qyoh ,Haq hnoq wì broq ma tagràng ,qnah ngai hmoe ,qnah ngai cajiah . ³⁹ Jò khoe mùt ta hnim ,Haq doe ka wì : “Gleq pì ma jah tagràng qmang qmat? Kon qyoh kô ùh xài cachit , qmat xài haq kùì” .⁴⁰ Wì do rai halê Haq. Haq thê wì loh ðiq ðông , ðòeq toq miq baq kon qyoh aih xam mangai tiaq Haq ,hanoh wì haq hi mùt tanòe tangùì kon qyoh aih .⁴¹ Haq rùp tì kon qyoh aih rai doe : “Ta-li-tha-Cu-mi .”(bàu aih doe rameh : Yôiq kon cadri qyoh , Au thê gè yòng beq .) ⁴² Kon mangai qyoh aih padinh yòng rai cadiang lam , majah qmang aih haq khoe jah moeq jàt baiq hanam. Wì ðiq jaq hamàih .⁴³ Haq panhet wì ùh dùh am ka cabô loq yiniq aih ,khoe èh Haq thê wì am kon qyoh aih acaq.

Jesus hlài ðeh ta gùng.....

6 ..

¹ Chuaq Jesus loh enh aih hlài ðeh tagùng , bài mangai tiaq hõc hadai lam ti Haq . ² Trùh hi Sabat , haq hi hnài tanòe hnim tagop qyoh , tàng bàu haq hnài , wì ðiq jaq hamàih ,wì bòch dabau : Bài yiniq kô haq jah ðeh enh leq ? kan rabiaq meh ìq qmang leq ?jaq bài trong halac qmang meh haq broq dua jah haq qmat ³ qmat ùh joq mangai thòq broq long , kon da Mari , ðaq bài Jaco ,Jôsep ,Juda ,Simôn qmòh? Bài oh cadri haq ma ùh xài oe taqne bèn kô qmòh? .Wì hi catoeh ka haq.⁴ Mahaq Chuaq Jesus doe ka wì : “Mangai pajàu toq tagùng cla ,oh ðaq cla ,hnim cla raq ma ùh ta-iu ka haq .” ⁵ Ta aih Haq ùh broq kan halac cleq , enh gùng ka yõc tì bèq biaoq ngai ùh hrõc dôq wì aih jah brêh. ⁶ Haq loh ka hamàih majah qmang aih hnoq manoh wì ùh lùì. Khoe aih haq lam jàp plài ten aih hu hnài wì.

Moeq jàt baiq ngai Tiaq cla loh lam.....

⁷ Haq creò dèh ka moeq jàt baiq ngai Tiaq cla, thê wì lam tang racop baiq ngai ,haq am ka wì aih cwàng drùh qnoh kiach chòc .⁸ Haq tanap ka wì lam tì trong apaq wê cleq enh gùng ka mòeq toq long canhra, yac ka bênh yac ka ayôp , apaq wê bac ta caqnam ,⁹ enh gùng ka tócc jep,ùh dùh wê racop baiq blah eo .¹⁰ Haq doe ka wì : Jò pì mùt ta hnìmh cabô , pì hì oe hloe ta aih trùh hì pì loh lam .¹¹ Tàng i nòe leq ùh waq ðìh pì ,ùh tamàng bàu pì, drah loh enh aih rai hapùih blo ma khoe top ta jènh pì ,ðòeq broq acang ka wì hnoq .¹² Moeq jàt baiq ngai Tiaq cla loh lam anoe hnài dōq rìmh ngai loq raxach ,¹³ Drùh hnàn qnoh bàc kiach chòc ,xùt dàu am ka bàc ngai yinìq rai broq brêh ka wì.

Jon Baptit cachit.....

¹⁴ Bùa Hêrôt tàng wì anoe trùh Chuaq Jesus ,(majah qmang aih yiniq Chuaq mangai khoe loq ðèh hra jàp jia) haq doe : Jon mangai broq baptem ,cachit khoe rìh hlài , ha-aihh haq men jah broq bàc trong halac. ¹⁵ Mangai qnoeq hòmh doe : Aih Êli , qnah ngai qnoeq doe : Aih mangai pajàu dùnh qnhòng calah nêh, ¹⁶ Mahaq da bùa Hêrôt doe: Aih raq Jon ,mangai au khoe thê pot ranōng , haq khoe rìh hlài.

¹⁷ Majah qmang aih , Hêrôt i thê wì rùp clêh Jon ta hnìmh cadrong , xêm goe haq oe ajang nòe bùa Hêrôt yôcc Hêrô-ðia aih cadrì da Philip oh cla bùa Hêrôt raq, ðòeq broq mai .¹⁸ Jon i bàu ùh lòh haq rameh : Bùa ùh khòh yôcc cadrì dèh oh broq mai.¹⁹ Aih iq, Hêrôðia majah gít ka Jon ,enh chaq trong jêh caðac haq.²⁰ Mahaq ùh jah jêh ,majah qmang aih Hêrôt crê ka Jon , loq Jon kô aih mangai hadròeh ,mangai taq atoq. Bùa chaq trong wêq Jon , jò khoe tàng bàu Jon ,ta manoh bùa toq manhài ,mahaq dua bùa enh tamàng .²¹ Yàng èh taqnàih , wop glàm hì acaq ôq manè hì ha-uang bùa Hêrôt , bùa akhen ka bài cwan kàn , cwan wêq bài linh, xam ðiq dōng gucraq ta gùng Galili. ²² Kon adrùh da Hêrôðia mùt muaq ta aih, lem ka manoh bùa Hêrôt xam bài mangai acaq ôq hì aih .Bùa doe ka kon mangai adrùh aih: Drah bòch beq enh waq cleq ,au hu am.²³ Bùa hapah ka haq aih rameh : Waq toq hì bòch cleq, dua au am , pah axon tanèh ðiac kô ùh loe. ²⁴ Mangai cadrì aih loh enh gùng , hatuàng dèh ka miq : Au bòch cleq ma yeo troq kô? Miq haq doe : Bòch gàu Jon Baptit .²⁵ Mangai cadrì aih drah mùt ajang bùa ,haq doe : Au enh ìh yôcc gàu Jon Baptit tah ta dòt kàn am ka au manòeq raq.²⁶ Bùa mangò pì ka jaq ,mahaq khoe troq hapah,èh qnah hòmh enh ngèa bàc ngai acaq ôq ta aih , bùa pì xèp hangah ka haq. ²⁷ Bùa hì thê dèh linh lam jêh caðac Jon khoe aih aràng gàu haq ta aih.²⁸ Mangai linh aih lam pot ranōng Jon ta hnìmh cadrong ,khoe èh haq tah gàu aih ta dòt kàn aràng am ka kon mangai cadrì , èh mangai kon cadrì aih aràng dèh ka miq. ²⁹ Mangai tiaq hōc Jon hia qmang aih ,wì lam yôcc dèh hanang haq hlài catùh.

Jesus broq bênh yàng adroe.....

³⁰ Moeq jàt baiq ngai Tiaq cla tagop dabau oe dudan ka Chuaq Jesus , anoe hlài ka haq rìmh yiniq wì haq ma khoe broq khoe hnài. ³¹ Haq doe dèh ka bài mangai tiaq cla : “ Beq bèn lam tanòe ma hawit hu padài toq biaq .Majah qmang aih tacô mangai lam hlài bàc hrìn , jaq haq xam bài mangai tiaq cla met pì dòh jah acaq .³² Wì haq hì loh ta boang ðòeq hu lam tanoè ma yeo hawit .³³ Mahaq bàc ngai hnoq wì haq lam, wì canau loq , bài mangai oe bàc plài ta gùng aih cadàu trùh adroe tanòe Chuaq Jesus xam bài mangai tiaq cla lam. ³⁴ Jò Chuaq Jesus cadiang tócc enh boang ,haq hnoq bàc mangai oe ta aih , haq tadèch qmòe nòeh, haq tamèt ka wì aih, majah qmang aih bài wì aih tiàh ka triu ùh i ka mangai ban . Haq hì hnài wì bàc trong ³⁵ Trùh jò mat mahì khoe haqneq , mangai tiaq hōc thia haten ka Chuaq , wì anoe :Tacô hawit , èh qnah

hòm tróc khoe ten xèq , ³⁶ Ìh am wì bróc , dôq wì ti mùt roc plài ten tacô hu rot dahwèq acaq . ³⁷ Haq padreo bàu : “ Pì kô raq mangai am ka wì acaq .” Mangai tiaq hóc anoe : Qmang aih nhèn ep diq loe qne hanam bác kùng abroq hu rot bênh am ka wì acaq qmòh? ³⁸ Haq bóch : “Pì i toq leq toq bênh ? lam ti ngan beq!” Mangai tiaq hóc lam ti ngan, khoe èh wì doe: Padam toq bênh xam baiq pliang ka . ³⁹ Haq doe ka bài mangai tiaq hóc thê wì hangui tang apùq tanòe nhat .⁴⁰ wì hangui tiaq tang brong , i brong moeq hrinh ,brong padam jàt. ⁴¹ Jesus yóc bênh xam baiq pliang ka ,haq qngoc ta plình , manè apui , khoe aih haq goh bênh qnèp am ka mangai tiaq hóc dôq wì lam am ka wì ma hangui ta nhat acaq , Haq hanoh axong baiq pliang ka qmang aih ka wì.⁴² Rìm ngai acaq diq jaq panàc . ⁴³ Mangai tiaq hóc toch hlài rah bình moeq jàt baiq talênhaqnech bênh xam ka . ⁴⁴ Toq gualô ma acaq hì aih khoe padam muàn mangai

Jesus lam ti riang diac....

⁴⁵ Khoe ka aih ,Haq pariaq mangai tiaq hóc drah loh ta boang ,hu tọc pah tau adroe ka haq ,tangèa qnah ta gùng Bêtsaïda , jò haq thê bài mangai bác hlài. ⁴⁶ Atiq ka haq talah ka wì ,haq tọc ta wang ðòeq hu waiq khàn .⁴⁷ Trùh damang ,boang khoe oe taqne diac , cla haq oe moeq ngai tago ,⁴⁸ Haq hnoq bài mangai tiaq hóc chiu boang diq jaq xalep ,majah qmang aih glàm cayeo tăt ngèa wì haq . Trùh ten qngah , haq lam jènh ti riang diac hu trùh ti wì , haq enh lam adroe ka wì . ⁴⁹ Mangai tiaq hóc hnoq haq lam ti riang diac , xoh kiac chóc , wì cajiah , ⁵⁰ Majah qmang aih wì diq hnoq haq ,ùh i cabô ma ùh crè.Mahaq haq drah creo capoch ka wì , haq doe : “Paq yùq , hacô Au kô ,apaq yùq.” ⁵¹ Haq cadiang tọc ta boang ti bài mangai tiaq hóc , tajòe qmòe jò aih cayeo hi hatinh hloe . Bài mangai tiaq hóc hamàih ùh hnau adroe ka aih hòm . ⁵² Majah qmang aih , manoh wì haq cadoq yac ka wì khoe hnoq kan halac jò haq broq bênh ,dua wì qnhòq qnì cleq,

⁵³ Jò Chuaq Jesus xam mangai tiaq hóc khoe tọc apah tau , trùh ta Gênesaret , wì mùt ta aih. ⁵⁴ Jò bu cadiang loh enh boang , wì gùng aih khoe canau ka Chuaq Jesus. ⁵⁵ Wì drah cadàu jàp gùng aih wì tòng aràng mangai ùh hróc kùi ta dradrah , waq toq wì hìa haq oe taleq , wì tòng qnàng trùh ta aih. ⁵⁶ Haq lam trùh taleq , yac ka plài qyoh ,plài kàn ,yac ta gùng leq , wì taqngùì mangai ùh hróc tanòe chòq , wì bóch haq am ka wì jah bèq ðeh toq haqmai eo haq, mangai leq khoe jah bèq eo haq diq jah brêh.

Ùh qnheo tì

7 .

¹ I mangai Pharisi xam biaq ngai hnài ranenh , wì aih loh enh Jêrusalem , wì oe dudan ka Jesus ² Wì aih hnoq i mangai tiaq hóc , acaq xam tì ùh sròeh, aih iq wì acaq mahaq ùh qnheo tì .³ Mangai Pharisi xam diq ðông mangai Jùda wèq yôt bàu wì craq dùnh nèh qmon , ⁴ tàng jòq qnhòq qnheo tì ka lem , ùh jò leq wì haq acaq , jò wì haq hlài enh nòe padro atech ,tàng joq qnhòq qnheo dua wì ùh acaq .Wì haq oe tiaq bác bàu qmon qnoeq hòm, troeq haliang doe mống ,abôq broq xam taneh , gôc diac .⁵ Aih iq qmang aih , dài mangai Pharisi xam mangai hnài ranenh majah bóch Chuaq Jesus : Hagleq mangai tiaq hóc ìh ùh wèq tiaq bàu wì craq dùnh nèh haq khoe hnài ,gleq wì majah acaq ùh dùh qmòe ka qnheo tì ⁶ Haq padreo bàu doe: “ Wùih! Bài mangai patiah toq enh gùng meh, bàu pajàu Êsai ràu trùh pì nèh joq khoe troq , qmang ka bàu khoe achìh :

Wì kô yǒc toq bàu kùh waiq au

Mahaq manoh wì haq hangai ka au

⁷ Wì haq kùh waiq au aih joq qngwan ,

majah qmang aih , wì haq hnài tiaq toq ranenh loh enh bàu kon mangai.

⁸ Pì cađac ranenh Boc Plinh, mahaq wèq tiaq bàu kon mangai qmon”

.⁹ Haq doe ka wì: “ Pì cađac dǒng ranenh Boc Plinh , òeq hu wê tiaq bàu cla qmon. ¹⁰ Majah qmang aih Môise i doe : Thê pì loq iu dèh miq baq ,èh qnah hòh :Cabô hanip ra-òh dèh ka miq baq ,mangai aih ep cachit . ¹¹ Mahaq da pì aih doe : Mangai leq doe dèh ka miq baq : Rìh yiniq au òeq wiang ban chòp au khoe còban (bàu aih rameh : au khoe dèch dǒng ka Boc Plinh.) ¹² Qmang aih mangai aih pì ep wèq ngan miq baq.¹³ Qmang aih pì yǒc bàu cla rađeh qmon òeq hu cađac bàu Boc Plinh . Oe i bàc trong qnoeq hòh pì hadai broq qmang aih .”

¹⁴Haq creò ka bài mangai bàc ma oe ta aih ,haq doe : “Thê pì rai tamàng rai loq tàng , ¹⁵ ùh i ka yiniq cleq oe enh gùng mùt ta chac pì ,broq ka pì ùh sròeh ,mahaq bài yiniq enh dalam ka chac pì loh enh gùng ,yiniq aih èh ma broq ka pì ùh sròeh.” ¹⁶ : Tàng cabô i don ,tamàng beq . (Bàu kô ta hset dùnh nèh ùh i).¹⁷ Jò Haq khoe mùt ta hnim , jò khoe hangai ka bài mangai bàc , mangai tiaq hǒc bòch haq bàu aliah aih.¹⁸ Haq padreò bàu : “ Pì ma ùh i ka manoh loq hèm? Ùh i ka yiniq leq oe enh gùng mùt ta chac mangai, jah broq ka mangai loh ka amùà , bàu aih pì ma qnhòq qnì tàng ? ¹⁹ Majah qmang aih bài yiniq aih ùh i mùt ta manoh mangai, mahaq bài yiniq aih loh hloe ta padùc ,khoe aih hi loh enh gùng .Qmang aih haq doe : Yiniq acaq aih òiq lem.²⁰ Haq doe tam : “Yiniq leq loh enh chac mangai aih ma broq ka mangai ùh sròeh, ²¹ Joq qnàng aih enh dalam ka mangai ma jah loh manoh dù ,loq taqnung, loq atùng , loq jêh đac mangai .²² Tango anang , daiq plai , ratauq , gôpla , ùh qnì camaih , ta grình , tapoch dech ka wì ,panhòh , tapoch blùng . ²³ Bài kan qmèq aih òiq loh enh manoh,aih ma broq ka mangai loh ka ùh sròeh

Mangai gùcadri I manoh lùì.....

²⁴ Chuaq Jesus loh enh aih haq lam ti kênh gùng Tiro ,Haq mùt ta moeq toq hnim aih , ùh enh am cabô loq haq oe ta aih, mahaq ùh hlèp .²⁵ Bu mùt ta aih, i moeq ngai gucadri haq aih i moeq toq kon cadri qyoh i kiac mùt ta chac , jò haq hìa tàng Chuaq Jesus , haq aih mùt pacro dađeh nòe jènèh Chuaq Jesus .

²⁶Gucadri aih mangai Gorec, ha-uang ta gùng Siro Phênisi .Haq canòm đeh ka Chuaq Jesus hnàn qnoh kiac loh enh chac kon haq .²⁷ Chuaq Jesus doe ka haq : “Adroe aih , òeq da cla wì yoh acaq ka panàc òeq , majah qmang aih yǒc bènèh wì qyoh acaq caqnìh am ka koq aih ùh troq!.” ²⁸ Gucadri aih padreò bàu : Waiq Chuaq, khoe joq qmang aih raq, mahaq bài kon koq oe đeh ta caqnàm jah acaq đeh cràc bènèh kon qyoh ma taclìh .²⁹ Khoe aih Chuaq Jesus doe ka mangai cadri : “Pàng ìh khoe doe qmang aih, kiac majah khoe loh enh chac kon ìh, hlài beq” ,³⁰ Mangai gucadri aih hlài dèh ta hnim ,haq hnoq dèh kon oe ta juàng , kiac khoe loh .

Jesus broq brêh ka mangai clìc

³¹ Atiq ka aih , Chuaq Jesus pi oe ta kênh gùng Tiro hòim , haq lam pajang trong gùng Sidôn rai dang jù loh diac raxiq Galili ,khoe aih Haq mùt ta crông Đêcaboli.³²Wì tòng aràng ka haq moeq ngai clic don rai tapoch ùh hloh , wì canòm ðeh ka Chuaq Jesus yôc tì bèq mangai aih. ³³ Chuaq Jesus qnùng haq aih lam ti raðeh ,hangai ka mangai bàc tau , Chuaq Jesus yôc hadrang tì ðòeq ajang don haq aih ,rai yôc diac hai xùt rapet haq aih .³⁴ Chuaq Jesus qngôc ta plinh , haq hihêm cadrùq ,haq doe : “Ephata ,(bàu aih rameh : Ta pèch beq!) ³⁵ Tajòe qmòe jò aih raq, don mangai aih hi tapèch ,rapet haq aih hadai jah raðah ka lem, mangai aih hi hloh tapoch.³⁶ Chuaq Jesus ùh am wì anoe ka cabô loq ,mahaq haq ùh am dàng leq ,wì anoe yeo hnau ka aih hòim ³⁷ Bài mangai tàng yiniq aih ,wì hamàih oe i jaq cleq ,wì doe : Haq broq rìm yiniq ðiq loh ka lem ðong ,broq ka mangai clic don jah tàng , mangai làu jah hloh tapoch

Chuaq Jesus qmì pôn muàn mangai acaq.....

8...

¹ Bài hì aih , i bàc mangai qnoeq hòim lam tiaq Chuaq Jesus , jò wì aih pi i cleq hu acaq hòim , Chuaq Jesus creò ka mangai tiaq hóc trùh ajang da ðeh ,Haq doe : ² “Au ha-och ka bài mangai bàc kô , wì haq oe ti au khoe jah piq hì kô , ùh i ka yiniq acaq .³ Tàng joq au thê wì haq hlài ta hnim rai pangot , wì haq loq tacro ti trong majah qmang aih wì haq trùh enh nòe hangai” .⁴ Mangai tiaq hóc padreo bàu : Mahaq tanòe hawit qmang kô, cabô qnì chaq enh leq ma i bênh tàu ka wì acaq? ⁵ Jesus bòch : “ Pì i toq leq toq bênh ?” mangai tiaq hóc doe : i tapèh toq! ⁶ Haq thê bài mangai bàc aih haqngui ta taneh . khoe aih Haq yôc tapèh toq bênh ,manè apôi Boc Plinh , haq goh bênh aih khoe èh qnèp ka mangai tiaq hóc ,ðòeq wì haq lam axong ka mangai bàc acaq ,mangai tiaq hóc lam axong ka wì.⁷ Mangai tiaq hóc hanoh i biao pliang kon ka qyoh , haq manè apôi Boc Plinh khoe èh thê mangai tiaq hóc lam axong qmang ka yàng adroe ðiq .⁸ Mangai leq mangai meh acaq qmòe ka tàu joq qnàng .Khoe aih mangai tiaq hóc toch hlài bài hanech oe rah jah qmòe tapèh talênh bình.⁹ Bài mangai acaq hì aih jah qnah ta pôn muàn .¹⁰ Atiq ka khoe am wì hlài , haq tọc ta boang ti mangai tiaq hóc ,lam ta gùng Đama-nutha .

Blo da mangai Pharisi.....

¹¹ Bài mangai Pharisi trùh bòch Chuaq Jesus, ðòeq hu chaq trong bahlac haq , wì thê haq am wì hnoq kan halac enh plinh , ðòeq hu qnhro Haq.¹² Chuaq Jesus hi hêm cadrùq , rai doe : “Hagleq xinoe kô majah bòch ngan kan halac. Au anoe joq qnàng ka pì ,ùh i kan halac leq hu am ka pì.”¹³ Haq hì caðac wì , tọc hlài ðeh taboang ðòeq hu tọc pah tau .

¹⁴ Mangai tiaq hóc ùh hmàng wê bênh , taboang i mòeq toq bênh raq.¹⁵ Haq pariaq mangai tiaq hóc “ Ngan oq , pì ep wèq raðeh ma khoe ka blo da mangai Pharisi xam blo bài bua da Hêrot” .¹⁶ Mangai tiaq hóc doe ka dabau :Aih jao bèn ùh i wê bênh ¹⁷ Loq ka trong wì ta hatuàng , Chuaq Jesus bòch wì haq “ Gleq pì ma jah hatuàng ti dabau bèn ùh i ka bênh? Pì ma qnhòq tàng, pì ma qnhòq tem raq qmòh? Manoh pì dua oe raq cadoq yôt qmòh? ¹⁸ Pì i mat mahaq gleq ma ùh hnoq ? I don mahaq gleq ùh tàng ? Pì ùh hmàng qmòh? ¹⁹ Jò au goh padam toq bênh am ka padam muàn mangai acaq , haqnech haq pì toch hlài jah toq leq rajo?”Wì doe : Moeq jàt baiq rajo.²⁰ Ha yàng au goh tapèh toq bênh am ka pôn muàn mangai acaq ,pì toch hlài jah toq leq rajo ? wì doe : tapèh rajo .²¹ Haq doe “ Pì dua oe raq qnhòq qnì qmòh?”

Mangai lua mat ta Betsaida..

²² Chuaq Jesus xam mangai tiaq hóc lam trùh ta plài Bêtsaida . Wì aràng ka haq mòeq mangai lua mat wì canòm ðeh ka haq yóc tì bèq haq aih. ²³ Chuaq Jesus carùp tì mangai aih, tìc qnoh enh gùng ka plài , xùt ðiac hai ta mat haq aih , yóc tì bèq haq aih rai bòch “ Ìh i hnoq cleq ùh?”²⁴ Mangai lua mat qngoc ta haqnèq rai padreo bàu : Au hnoq mangai wì haq lam tìah taiq ka long .²⁵ Chuaq Jesus yóc tì bèq mat mangai aih mòeq yàng hòh , aih mat haq hi tapèh, jah qngah, haq hnoq rìm yiniq ðiq jaq hliang. ²⁶ Chuaq Jesus thê haq aih hlài ðeh ta hnim rai tanap “ ùh dùh mùt ðeh ta plài.” .

Phiero doe Jesus aih raq Christ..

²⁷ Chuaq Jesus xam mangai tia hóc loh enh aih , wì lam ta roc plài haten ka Sêzare philip . Jò lam ti trong haq bòch wì “ Wì doe au kô iq cabô?”²⁸ Wì padreo bàu: Qnah ngai doe Jon Baptit , tang ngai doe Êli ,mangai qnoeq hòh doe ìh qmat moeq ngai pajàu dùnh calah nèh.²⁹ Haq bòch “ Ha pì doe au kô iq cabô?” Phiero padreo bàu : Ìh kô raq Christ !³⁰ Chuaq Jesus panhet mangai tiaq hóc ùh jah anoe ka mangai qnoeq loq ka haq .

Chuaq Jesus chôn timer anoe trùh ðeh kachit.....

³¹ Pang aih, haq hi hnài ka mangai tiaq hóc rameh “ Kon Mangai ep xalep bàc trong , bài wì gucraq , bài pajàu kàn xam bài mangai hnài ranenh kêh qnoh ðac haq, haq ep cachit , atiq ka piq hi haq hi rih hlài .³² Haq anoe hloh trong aih ka mangai tiaq hóc . Phiero qnàng Haq lam ta kên timer rai tagàih haq .³³ Mahaq Chuaq Jesus hwi ngan mangai tiaq hóc rai tapoch ka Phiero “ Wùih Satan meh! Drah wia oe enh rù ka au beq.Majah qmang aih ìh ùh i hèm trùh trong da Boc Plinh ,mahaq hèm toq trong kon mangai .

³⁴ Khoe aih haq creo ka bài mangai bàc xam mangai tiaq hóc trùh ajang haq. Haq doe “ Tàng cabô enh tiaq au , haq aih ep caðac raðeh , xùt ðeh long pagat ðoeq hu tiaq au.³⁵ Majah qmang aih cabô àu wèq ðeh kan rih , aih èh hnhung , mahaq mangai leq taiq au taiq bàu lem chiùq caðac ðeh kan rih ,mangai aih èh jah ðeh.³⁶ Mangai leq i ðiq ðõng crõng taneh kô mahaq caðac hnhung ðeh ka mahua yiang ,aih haq jah cleq? ³⁷ I ka cabô jah yóc cleq ðoeq hu halih yóc hlài ðeh mahua yiang ùh?³⁸ Oe taqne nang noe loq taqnung tango, broq toq yiniq lui kô , tàng cabô xep camaih ka yiniq au, camaih ka bàu au ,Kon Mangai hadai camaih xep ka mangai aih , jò haq oe taqne kan ranhòm enh Baq haq hu trùh , xam bài bình plinh hadròeh .

9 ..

¹ Èh Haq doe ka mangai taq hóc “ Joq qnàng Au doe ka pì , pì ma yòng ajang kô i ngai ùh cachit adroe ka jah hnoq ðiac Boc Plinh yóc cwiang itai hu trùh.

Jesus hatuàng ka wa Môise wa Êli

² Atiq ka tadràu hi , Chuaq Jesus aràng Phiero ,Jaco xam Jon tiaq haq tõe ta wang haqhèq ,ùh i ka mangai qnoeq ta aih ,toq wì haq raq. Ta aih Haq wih wia enh ngèa wì piq ngai.³ Eo Haq loh ka taboc camla ðiq jaq, ùh i mangai leq oe ta crõng taneh broq taboc jah qmang aih. ⁴ Êli xam Môise loh hatuàng ti Haq.⁵

Phiero doe ka Chuaq Jesus : Rabi ! bèn oe ta kô lem joq qnàng, beq broq piq toq ranòh ,moeq toq ka ìh ,moeq toq ka Môise ,moeq toq hòim ka Êli.⁶ Phiero ùh qnì qmòe ðeh doe cleq ,majah qmang aih ðiq ka wì haq yùq crè pi ka jaq. ⁷ khoe aih i moeq cato yùc kàn glàp wì haq, enh yùc aih i bàu doe “ Kô raq Kon calô da Au ,mangai Au ma loq waq ðeh, thê pì tamàng bàu haq.” ⁸ Jò aih ,bài mangai tiaq hóc hwi ngan dudan , cadoe pì hnoq cabô , enh gùng ka moeq ngai Chuaq Jesus raq ma oe ti wì .

⁹ Jò wì loh enh wang, haq ùh lòh mangai tiaq hóc anoe hlài ka cabô loq bài yiniq wì haq ma khoe hnoq, trùh jò leq Kon Mangai khoe rih hlài enh cachit.¹⁰ Mangai tiaq hóc wê bàu aih, wì bòch dabau : Cachit rih hlài ,aih iq haq doe cleq?¹¹ Mangai tiaq hóc bòch haq: Hagleq bài mangai hnài ranenh ma doe Êli ep trùh adroe ? ¹² Chuaq Jesus padreo bàu “ Joq Êli ep trùh adroe ,ðoeq hu palauq hlài rìm trong .Aih iq hagleq majah i bàu achih Kon Mangai ep xalep bàc trong ,wì halê cađac haq? ¹³ Mahaq au doe ka pì Êli khoe trùh , wì tabroq ka haq tiaq ðeh manoh wì ma enh ,wop troeq bàu ma khoe achih trùh haq .”

Mangai kiac pawè .

¹⁴ Jò Chuaq Jesus xam piq ngai aih lam trùh ajang nòe bài mangai hanoh tiaq hóc , hnoq mangai bàc pi ka jaq oe dudan ka wì aih ,èh i mangai hnài ranenh tarahen ka bài mangai tiaq hóc aih .¹⁵ Bài mangai bàc aih bu hnoq haq wì khoe hamàih, wì tùh ta haq.¹⁶ Haq bòch wì “ Pì rahen ka mangai tiaq hóc au yiniq cleq?” ¹⁷ I moeq ngai ta aih têu bàu : Mangai hnài ! au aràng ðeh kon trùh ka ìh , kiac lâu khoe pawè haq , ¹⁸ Yac ka qnang oe taleq ,jò kiac hi mùt ta haq broq ka haq loh ka troq kênh , loh toq ðiac hai camùh , cadrit hanenh ,haq loh ka gang got hloe ,au canòm ðeh ka mangai tiaq hóc drùh qnoh kiac aih , mahaq ùh jah .¹⁹ Chuaq Jesus doe “ Wùih ! nang noe ùh qnì lùì tau , Au oe jah oe ti pì trùh pang leq ? Au ep àt ka pì trùh jò leq hòim? Qnàng kon mangai qyoh aih ka au”. ²⁰ Wì hi qnàng kon qyoh aih ka haq. Kon qyoh aih bu hnoq Chuaq Jesus , kiac khoe rapôh haq , haq tacro ta taneh ,cadro cadria hacùng loh toq ðiac hai.²¹ Chuaq Jesus bòch baq haq “ Haq loh ka qmang kô dùnh neo?” Baq haq têu : enh qyoh nêh raq. ²² Kiac khoe bàc yàng khwênh qnìh haq ta ùnh , ta ðiac ,hu jêh ðac haq ,mahaq ìh broq cleq jah , ìh ha-och rai broq biao ka ma ðiq! ²³ Chuaq Jesus doe “ Hagleq ìh majah doe : “Tàng ìh broq jah ? Waq toq cabô hi lùì rìm yiniq ðiq jah”.²⁴ Baq kon mangai qyoh aih ðrah doe: au lùì ìh, Waiq Chuaq !ìh wiang biao da au ajang kan ùh qnì lùì aih. ²⁵ Jò Chuaq Jesus hnoq mangai bàc trùh , Haq lech ka kiac aih rai thê “ Kiac clìc rai lâu meh , au thê gè loh enh kon mangai qyoh kô ,pang kô ta èh pì jah pawè haq hòim”. ²⁶ Kiac rai cajiah rai rapôh kon qyoh aih cadêh , khoe kiac hi loh ,kon mangai aih tiah qmòe ka khoe cachit ,bàc ngai crè wì doe : haq khoe cachit .²⁷ Mahaq Chuaq Jesus rùp tì ðèch haq hi yòng .

²⁸ Jò Chuaq Jesus khoe mùt ta hnìim , mangai tiaq hóc thia haten wì chop bòch : Gleq nhèn drùh kiac aih ùh jah? ²⁹ Haq doe “Tàng ùh waiq khàn ùh i cabô drùh qnoh kiac aih jah.”

³⁰ Khoe aih Chuaq Jesus xam mangai tiaq hóc loh enh aih , lam pagat trong Galili , Haq ùh enh ðôq ka cabô loq wì haq qnang oe taleq .³¹ Majah qmang aih haq khoe hnài ðeh mangai tiaq hóc , haq doe “Kon mangai kô èh mùt ta tì wì, wì jêh cađac, haq cachit piq hi khoe èh rih hlài.³² Mahaq mangai tiaq hóc ùh tem bàu aih ,wì ùh hùà bòch haq trong aih.

³³ Wì haq trùh ta Cabênaum .Jò khoe oe ta hnìim ,haq bòch wì “Jò lam ti trong iq pì tarahen cleq ka dabau ? ³⁴ Mahaq wì hatinh majah qmang aih oe ti trong wì tarahen ka dabau: Taqne bèn kô cabô ma yeo kàn ?³⁵

Chuaq Jesus hangui ,creo đồng moeq jàt baiq ngai tiaq hõc,Haq doe “Mangai leq enh broq gàu ,haq aih ep oe atiq lùch ,ep broq hapõng patih ka wì qnoeq. ³⁶ Haq yõc moeq toq kon qyoh ,tah taqne mangai tiaq hõc , khoe aih haq caqmìn kon qyoh aih rai doe ka wì ³⁷“ Cabô jao Yiniq Au chiùq ãih moeq ngai kon qyoh qmang kô ,aih haq ãih au ,cabô ãih au , aih ùh xài haq ãih au ,mahaq ãih Mangai ma khoe thê au.”

³⁸ Jon doe ka Haq : Mangai hnài, nhèn khoe hmaq hnoq i mangai yõc yiniq ìh ãòeq ãruh kan kiac , nhèn khoe ùh lòh haq , majah qmang aih wì aih ùh tiaq bèn.³⁹ Chuaq Jesus doe “ Apa q tât ãèh, ùh i mangai leq rai yõc yiniq au broq kan halac rai tapoch qmèq ka au ⁴⁰ Majah qmang aih ,mangai leq ùh hìaq tablêq ka bèn haq aih hanoh ti bèn .⁴¹ Cabô jao yiniq au kô èh ma am ka pì moeq doe chrõng ãiac , majah qmang aih taiq pì aih mangai da Christ , Joq qnàng au doe ka pì haq aih ùh hnhung ãèh kan baha .⁴² Mahaq mangai leq broq ka mòeq ngai taqne ãài wì qyoh kô khoe lùì au clih ta yiniq lui , yõc apau hmo ma kàn kàt ranõng haq aih lam cadram ta ãiac raxìq aih ùh hnau hòm.

⁴³⁻⁴⁴ Tàng joq tì ìh broq ka ìh loh yiniq , pot ãac tì aih , yac ka moeq apah tì mahaq jah mùt ta kan rìh ,ùh hnau tòm baiq apah tì mahaq taclìh ta hwinh , ta ãau ùnh ùh pat.⁴⁵⁻⁴⁶ Tàng jènh ìh broq ka ìh loh yiniq ,pot caãac jènh aih, moeq apah jènh mahaq jah mùt ta kan rìh ,ùh hnau tòm baiq apah jènh mahaq wì khwênh qnìh ta bau ùnh. ⁴⁷ Tàng joq mat ìh broq ka ìh loh yiniq , bõc ãac mat aih beq, oe moeq apah mat ma haq jah mùt ta ãiac BocPlình , ùh hnau tòm baiq pah mat mahaq ta clih ta hwinh, ⁴⁸ Aih la nòe i hrai ma kaq wì haq, hrai aih ùh kachit , tanòe ùnh ùh jò leq pat. ⁴⁹ Rìm ngai ta aih jah paqnòq xi ùnh.

⁵⁰ Boh aih ngè lem , mahaq tàng boh aih pi xang, aih èh yõc cleq hu broq haq xang hlài.⁵¹ ãìq ka pì ep i boh oe ta manoh, ep hatroq ti dabau”.

Ta caãac õng mai.....

10 ..

¹ Chuaq Jesus loh enh aih , trùh ta cròng Juãê , tõi pah tau ka ãiac Joãan , mangai bàc tagop dabau trùh hòm ti haq, tiaq ãèh ma khoe hmaq yõt, haq hi hnài wì.² ãài mangai Pharisi lam haten bòch ãòeq hu chaq trong bahlac haq: Mangai gualô akhòh caãac mai ? ³“Môise khoe thê pì qmang leq?” Haq bòch wì.⁴ Wì aih padreo bàu: Môise lòh mangai calô achìh moeq araq jàiq broq bò acan tacãac ,khoe aih caqnaih deh cadri loh lam .⁵ Chuaq Jesus padreo bàu “ aih jao pì cadoq manoh Môise ma jah achìh ranenh aih.⁶ Mahaq enh jò baxèm broq plình crõng taneh ,Boc Plình broq moeq ngai calô ,moeq ngai cadri.⁷ Aih ìq mangai calô majah talah ãèh miq baq ãòeq taqmùt ãèh ti mai .⁸ wa baiq ngai hi wìa moeq xech akia .Pang aih, õng mai pi xài baiq hòm , mahaq khoe loh moeq xech akia.⁹ Qmang aih, kon mangai ùh jah lah ãài mangai leq Boc Plình ma khoe acop”.

¹⁰ Jò oe ta hnìm, mangai tiaq hõc bòch hòm trong aih ,¹¹ Haq padreo bàu “Cabô caãac mai èh yõc mangai cadri qnoeq broq mai , haq khoe wìa mangai tango ka mangai cadri tau,¹² tàng joq mangai cadri caãac ãèh õng , yõc õng qnoeq ,aih hanoh loh mangai tango.

Bòe kon qyoh...

¹³ Wì aràng kon qyoh trùh ti Chuaq Jesus dôq ka haq yôc tì bèq wì qyoh, mahaq mangai tiaq hóc lech ka wì ¹⁴ Jò Chuaq Jesus hnoq qmang aih ,haq nòeh ka mangai tiaq hóc ,haq doe “ Dôq haq kon qyoh trùh ti au ,apaq tât wì haq ,majah qmang aih diac Boc Plinh am bài mangai leq ma tiah ka kon qyoh.”¹⁵ Joq qnàng au doe ka pì ,mangai leq ùh ãh yôc diac plinh qmang kon qyoh qmat ,haq aih ùh jò leq jah mùt ta diac plinh”. ¹⁶ Khoe aih ,haq caqmin kon qyoh rai waiq am xôq ramot ka wì qyoh.

Guradam padrông kan.....

¹⁷ Chuaq Jesus qnang hu loh lam , i moeq ngai cadàu tùh hacùn cràng enh ngèa ka haq ,rai bòch : Ìh kô mangai hnài lem linh ,au ep broq cleq ãoq hu jah kan rih halinh.?¹⁸ Chuaq Jesus doe “ Hagleq ìh majah doe au mangai lem linh? Ùh i mangai leq lem linh, enh gùng ka Boc Plinh” .¹⁹ Ìh loq bài ranenh kô : Apa q tango , apa q jêh ãac mangai , apa q atùng , apa q yòng tapoch dech ka cabô , apa q qnùt bô , loq ta-iu dèh miq baq”²⁰ Mangai aih padreo bàu: Mangai hnài , enh jò au oe qyoh nèh raq au khoe wèq ãi q bài raneng kô .²¹ Chuaq Jesus ngan mangai aih rai ha-ôch ka haq , Chuaq Jesus doe “ Ìh qnhòq i moeq yiniq hòh , hlài tech ãi q ãòng kùng hang ìh , am ka mangai pa , aih èh ìh hi i kùng hang canaq oe ta diac Plinh. Khoe aih hi lam tacô ãoq hu tiaq au”.²² Jò aih hadrò mangaih guradam aih hnoq qmòe kan haq mangò ka bàu aih , majah qmang aih , kùng hang haq bàc haraya.

²³ Chuaq Jesus ti ngan dudan rai doe ka mangai tiaq hóc “ Mangai padrông ùh hlàu cleq ka jah mùt diac Plinh” ²⁴ Mangai tiaq hóc hamàih ka bàu aih .Mahaq Chuaq Jesus doe hòh “ Wì kon ! mangai padrông yo ãeh kan ãoq mùt diac plinh aih joq xa qnàng ²⁵ Lõcda mùt trom jrùm yi hlàu ka mangai padrông mùt diac Boc Plinh .²⁶ Mangai tiaq hóc hamàih ùh hnau hòh, wì hatuàng ti dabau: Tàng qmang aih èh mangai leq ma oe jah dèch ? ²⁷ Chuaq Jesus ngan wì haq rai doe “ Yiniq aih kon mangai broq trong ùh jah , mahaq Boc Plinh ùh qmang aih, Boc Plinh broq jah rìh yiniq” ²⁸ Phiero anoe ka haq :Hacô nhèn khoe cađac rìh yiniq hu lam tiaq ìh .²⁹ Chuaq Jesus padreo bàu “ Joq qnàng au anoe ka pì ,ùh i moeq ngai leq cađac dèh hnìh ,oh ãaq calô ,oh ãaq cadrì , cađac miq baq hloe xam bài kon xam ruàng pràm, ãoq tiaq au xam trong Bàu lem ³⁰ manòeq kô raq ,qnhòng kô raq haq aih ma ùh jah yôc hlài hloe ka hrinh yàng bòe hnìh , oh ãaq calô,oh ãaq cadrì , miq kon, taneh ruàng , hloe xam bài kan nanxa xam kan rih halinh qnhòng atiq kô èh.”³¹ Mahaq bàc ngai oe adroe loh ka atiq ,mangai atiq loh ka adroe”

³² Jò Chuaq Jesus xam mangai tiaq hóc qnang lam ti trong tõi ta Jérusalem , Haq lam adroe ,bài mangai tiaq hóc ãi q jaq yùq, bài mangai lam tiaq hadai crè. Haq qnung moeq jàt baiq ngai tiaq hóc lam crài ti haq hòh rai anoe ka wì loq yiniq padon trùh ka wì haq .³³ Haq doe “ Bèn qnang tõi ta Jérusalem , Kon Mangai kô èh mùt ta tì bài pajàu kàn xam bài mangai hnài ranenh . Wì aih hi taqmòq ka haq yiniq cachit , wì aih aràng jao haq am ka wì enh gùng .³⁴ Wì hi halê haq ,cachôh ka haq ,mahaq piq hi ònh èh haq hi rih hlài.

Baiq ngai kon calô Sêbede....

³⁵ Atiq ka aih ,Jaco xam Jon (kon Sêbede thia ajang Haq) ,wa doe : Mangai hnài, Ìh broq am ka ma yiniq ma enh bòch ãeh .³⁶ Haq doe “ Chôp enh Au broq ka chôp cleq?” ³⁷ Wa aih pa dreo bàu : Jò leq Ìh jah kan ranhòm èh, ìh am ka ma moeq ngai haqngui apah qma ,moeq ngai apah qngeo ka ìh . ³⁸ Chuaq Jesus padreo bàu “ Chôp ùh qnì ka rađeh qnang bòch cleq, doe chrông au ôq ,chôp ahlàt ôq , baptem hu broq ka au ,chôp ahlàt broq ùh?”³⁹ Wa aih têu : Ma hlàt. Chuaq Jesus anoe ka wa “ doe chrông au ôq kô èh chôp

hanoh ôq , baptem hu broq ka au kô êh chôp hadai jah broq, ⁴⁰ Mahaq hu hangui apah qma ,apah qngeo ka au aih ùh xài au am , ajang aih òeq da bài mangai leq nòe aih khoe padon dèh adroe” .⁴¹Jò wì moeq jàt ngai tau tàng qmang aih ,wì haq nòeh ka wa Jaco wa Jon .⁴² Chuaq Jesus creo ka wì haq oe qmoeq qmang ti dabau ,haq doe “ Pì loq mangai ma broq gàu wì enh gùng , thê wì qnoeq iu rađeh , cwan kàn aih haq yo ka rađeh òeq padit mangai qnoeq ,⁴³ pì ùh xài qmang aih ,mahaq tapi mangai leq enh broq kàn ,mangai aih ep broq hapõng ,⁴⁴ mangai leq enh broq gàu , haq aih ep broq díc rìm ngai .⁴⁵ Majah qmang aih ,Kon Mangai trùh ùh xài òeq wì patih ka haq,mahaq òeq haq patih glòq ka wì, rai cađac kan rih rađeh òeq hu dèch bàc ngai”.

Batimê mangai ùh xau jah hnoq..

⁴⁶ Khoe aih, Chuaq Jesus xam mangai tiaq hóc trùh ta Jêrico . Jò wì haq hloe xam bài mangai bàc qnang loh enh aih , i moeq ngai lua mat yiniq haq Batimê, (kon daTimê) qnang haqngui ti trong hu axìn .⁴⁷Jò haq tàng wì doe : aih Chuaq Jesus mangai Naxaret , haq drah creo cadêh : waiq Chuaq Jesus ,Kon bùa Đawit ,xa-och ka au diq!

⁴⁸ Bàc ngai tapoch hnap ka haq , thê haq chaq oe ma hatinh , mahaq haq ka creo tam yeo dèh hòm : Kon Đawit ,xa-och ka au diq ! ⁴⁹ Chuaq Jesus yòng jang aih rai doe “ Creo ka haq lam ajang kô” . Wì creo ka mangai ùh xau aih rai doe ka haq : Cajap manoh ,yòng beq,Haq creo ka ih.⁵⁰ Mangai lua mat aih lêh dèh eo enh gùng, tùh thia ajang Chuaq Jesus .⁵¹ Chuaq Jesus bòch haq “Ìh enh au broq ka ih cleq ?” Mangai lua mat aih padreo bàu : Rabi , au enh jah hnoq.⁵² Chuaq Jesus doe ka haq “Lam beq! Kan lùì ìh khoe broq ìh brêh .” Tajòe hloe jò aih haq jah hnoq ,haq hi lam tiaq ti Chuaq Jesus

Mùt ta Jêrusalem.....

11

¹. Jò khoe ten trùh Jêrusalem , tanòe plài Bêphajê xam plài Bêthani tajang ka wang Oliu , Chuaq Jesus thê baiq ngai tiaq hóc , ² Haq doe ka wa “Mùt ta plài enh ngèa ka chôp , jò mùt ta aih hnoq moeq toq lùa qyoh wì kàt ta aih, qnhòq i cabô lah tọc crõng haq , chôp canaih haq khoe aih tiaq ahlài tacô ka au .³ Tàng i mangai leq loq bòch : Gleq ma jah broq qmang qmat? Chôp doe ka wì : Chuaq i yiniq waq, aih êh wì hi dōq chôp tiaq ahlài” .⁴ Wa aih hi lam , hnoq kon lùa qyoh qnang kàt enh gùng tajang ka trong qmang , wa hi lêh canaih .⁵ Wì ma oe ta aih i qnah ngai oe ta aih bòch : Chôp caqnaih kon lùa qyoh qmat hu broq cleq? ⁶ Wa aih padreo bàu qmang ka Chuaq Jesus khoe tanap, wì hi canaih wa lam.

⁷ Wa tiaq ahlài kon lùa aih ka Chuaq Jesus ,yõc dèh eo hlèch enh crõng lùa aih, khoe aih Chuaq Jesus hi tọc enh crõng . ⁸ Bàc ngai lêh dèh eo hlèch ti trong lam , i qnah ngai loh ta ruàng goh hamenh long xap roc trong . ⁹ Mangai lam adroe ,mangai lam atiq diq moeq bàu cadêh : Hôsana ! Khòh manè ka Mangai trùh enh dalam ka yiniq Chuaq , ¹⁰ Xôq ramot am ka diac padon trùh kô êh ,aih raq diac bùa Đawit ,kan cadraq bèn! Hôsana oe ta Plinh haqnhèq . ¹¹Chuaq Jesus mùt ta Jêrusalem, haq lam ta hnim kùh waiq . Haq ti ngan rìm yiniq dudan ta aih , jò mat mahi khoe haqneq , haq xam moeq jàt baiq ngai tiaq hóc loh enh aih lam ta plài Bêthani.

Long póc croh.....

¹² Sroq atiq , jò khoe loh enh plài Bêthani , aih Haq pangot . ¹³ Hnoq enh hangai i moeq xèm long póc i hla , Haq lam ngan long aih i ka plì ùh , jò trùh haten ka xèm long hnoq toq hla , majah qmang aih ùh xài jò plì. ¹⁴ Haq tapoch ka long aih “ Pang kô èh pì i cabô oe kaq plì enh gè hòm .” Dìq dõng mangai tiaq hõc dìq tàng bàu aih . ¹⁵ Jò trùh ta Jêrusalem , Haq mùt ta hnim kùh waiq, drùh qnoh bài mangai padro ta aih ,blòq cabõng mangai ma halih bác hloe xam gèq wì ma atech trù. ¹⁶ Haq ùh am cabô wê cleq jah lam pagat trong aih . ¹⁷ Khoe aih haq hnài wì “ Ajoq i bàu achìh ,Hnim au jah creò hnim waiq khàn ka rìm taneh diac ?Mahaq pì khoe broq haq loh pù bài mangai atùng.” ¹⁸ bài pajàu xam bài mangai hnài ranenh tàng bàu aih ,hi chaq trong hu jêh cađac haq, wì ùh hùà ka haq,majah qmang aih dìq dõng phù cròng mangai leq mangai meh hamàih đeh hra ka bàu haq hnài. ¹⁹ Jò tróc khoe ten clam , Chuaq Jesus xam mangai tiaq hõc loh enh aih . ²⁰ Sroq atiq , jò lam trong aih , wì haq hnoq long póc khoe croh trùh ta riah . ²¹ Phiero hi hmàng hlài haq doe ka Chuaq Jesus , Rabi , Ìh ngan tau , long póc ìh tapoch ka haq hì nêh khoe croh. ²² Chuaq Jesus doe “ Thê pì i manoh lùì Boc Plình , ²³ Au doe qnàng ka pì , tàng cabô doe ka bui wang kô : lam caqnìh rađeh ta diac raxìq beq , ta manoh haq aih ùh i kan rangòt ,mahaq lùì troeq bàu rađeh ma khoe anoe, haq jah qmang dèh ka bàu. ²⁴ Aih ìq au majah doe ka pì :Rìm yiniq pì bòch jò pì waiq khàn , drah lùì pì khoe jah, aih èh pì hijah yiniq aih . ²⁵ Jò pì yòng waiq khàn , tàng joq pì oe i yiniq cleq ùh hatroq ka cabô , drah cađac yiniq aih ka wì beq, aih èh Baq pì oe ta plình hanoh cađac da pì yiniq lui . ²⁶(*hset dùnh) Tàng pì qnhòq cađac da wì yiniq lui, Baq pì oe ta plình hadai qnhòq cađac da pì

²⁷ Chuaq Jesus xam mangai tiaq hõc wìh ta Jêrusalem hòm , jò Chuaq Jesus qnang cadiang lam ta hamlang hnim kùh waiq , bài pajàu kàn , bài mangai hnài ranenh hloe xam bài gucraq thia ajang haq . ²⁸ Wì aih bòch :Ìh yõc cwìang enh leq ma broq qmang kô? Cabô ma khoe thê ìh broq ? ²⁹ Chuaq Jesus padreo bàu “ Au hanoh bòch pì moeq bàu . Pì padreo bàu au, aih èh au hadai doe ka pì loq au yõc cwìang enh leq hu broq bài trong kô . ³⁰ Baptem da Jon aih loh enh Plình , loq loh enh kon mangai?anoè ka au beq!”.

³¹ Wì aih hatuàng ti dabau , wì doe : Tàng joq bèn doe loh enh plình aih èh haq bòch bèn : Meh pì ma ùh lùì Jon ? ³² Mahaq tàng bèn doe : loh enh kon mangai ? wì ùh hùà ka mangai ta aih , majah qmang aih ,mangai ta aih dìq lùì Jon aih mangai pajàu joq qnàng . ³³ Aih ìq wì haq majah hi doe ka Chuaq Jesus : Nhèn ùh qnì . Chuaq Jesus doe ka wì haq “ Au hadai ùh anoe ka pì loq au yõc cwìang enh leq hu broq yiniq kô”.

Aliah trùh mangai abroq ta wuàn plì nho

12..

¹ Khoe aih , Chuaq Jesus hi tapoch aliah ka wì haq : “ I mòeq ngai pìt mòeq wuàn plì nho , haq broq canàng dudan ,taqne wuàn haq broq mòeq toq nòe òeq padit yõc diac plì nho, haq broq mòeq toq hapom ka haqnèq , khoe aih , haq am ka wì patih axong , èh cla haq lam ta gùng qnoeq. ² Trùh jò, cla haq thê dèh mòeq ngai hapõng lam trùh ti bài mangai pìt nho , òeq hu yõc plì wì ma axon da haq. ³ Mahaq , wì rùp jêh hapõng aih, khoe qnat haq bròc tì dech . ⁴ Haq thê dèh hapõng qnoeq hòm , mahaq wì blai gàu haq aih rai hanip broq ka haq dìq jaq camaih , ⁵ Haq thê hapõng qnoeq hòm , wì jêh ca đac mangai aih , Haq thê bác ngai qnoeq hòm trùh, qnah ngai wì blai , qnah ngai jêh cađac. ⁶ Yàng atiq pulùch , haq i dèh mòeq ngai kon

calô raq haq ma loq waq dèh diq jaq , haq hi thê kon aih lam ,cla haq hèm dèh: Yi laiq wì ma ùh iu kon au . ⁷Mahaq bài mangai pìt nho ta hatinh ka dabau : Kô raq kon cla wì craq ,mangai ma hu jah waq đồng kùng hang , beq bèn jêh đac haq , aih êh kùng hang haq hi jah đồng bèn . ⁸Wì hi rùp jêh cađac kon calô aih ,khoe êh khwênh qnoh enh gùng ka wuàn plì nho . ⁹Khoe aih cla wì craq wuàn nho broq qmang leq? Haq trùh hu jêh cađac đồng bài mangai pìt nho aih ,khoe êh yôc wuàn aih am ka wì qnoeq . ¹⁰Pì akhoe lah đóc bàu kô ta hset hadròeh :

“ Hmo , bài mangai broq hnem ma ràih qnoh cađac ,

Khoe wìa hmo mùm hnim .

¹¹Boc Plinh khoe broq qmang kô ,

Aih ajoq kan halac enh ngèa ka mat bèn ?

¹² Bài mangai pajàu kàn , bài mangaih hnài ranenh , xam bài gucraq , chaq trong hu rùp Chuaq Jesus ,majah qmang aih wì loq bàu haq ma aliah aih anoe trùh wì . Mahaq wì pì lènh hùa ka bài mangai bàc ta aih , êh wì haq hi lam đac taqnoeq.

Am thèq ka Sêsa..

¹³ Atiq ka aih , wì thê bài bua da mangai Pharisi xam bài bua da Hêrot trùh ti Chuaq Jesus đòeq rùp haq ajang nòe bàu tapoch . ¹⁴Wì aih trùh ti haq rai doe: Mangai hnài , nhèn loq Ìh kô mangai taq atoq ,ùh i yùq ka cabô ,majah qmang aih ngan mangai ,ìh ùh i ngan toq enh gùng , mahaq hnài trong Boc Plinh tiaq bàu joq qnàng . Am thèq ka Sêsa aih troq loq ùh? Nhèn i ep am thèq ka sêsa .? ¹⁵Mahaq Chuaq Jesus loq kan patiah wì aih , haq bòch “ Gleq pì ma ti àu chaq trong bahlac au ? Drah qnàng ka au ngan moeq hliac bac beq”. ¹⁶ Wì aràng ka haq moeq hliac bac ,Haq bòch wì “Qmù kô qmù ka cabô , yiniq dacabô?”. Wì padreo bàu : Da Sêsa .¹⁷ Chuaq Jesus doe ka wì “ Padreo hlài da Sêsa yiniq cleq da sêsa ,padreo hlài da Boc Plinh yiniq cleq da Boc Plinh .” Dìq ka wì hamàih deh hra ka bàu Haq .

Jò rìh hlài.....

18 Mangai Sađusê ,aih bài mangai ma doe ùh i ka kan rìh hlài , wì haq thia haten bòch Chuaq Jesus : 19 Wì doe : Mangai hnài ! Môise i achìh ka nhèn ranenh rameh : Tàng moeq ngai tau , i oh daq haq cachit , đòeq hlài dèh mai mahaq ùh i ka kon ,mangai aih ep yôc gucadrì hadrô aih ,đòeq taqmot hlài caxi noe daq haq 20 Manòeq kô wì oh daq aih i ta pèh ngai .Mangai ramua yôc mai , khoe aih haq cachit ,ùh i ha kon , 21 Mangai ma hatia , yôc mangai cadrì hadrô aih ,khoe aih haq cachit ,hadai ùh i ka kon , êh mangai ma atiq hanoh qmang aih, 22 Dìq đồng ka wì ta pèh ngai aih , ùh i mangai leq i kon .Pulùch ,mangai cadrì aih hadai cachit . 23 Trùh jò rìh hlài , taqne wì ta pèh ngai oh daq aih ,mangai cadrì aih broq mai cabô ? Majah qmang aih diq đồng ka wì haq, hanoh khoe yôc gucadrì aih broq mai . 24 Chuaq Jesus padreo bàu “ Ma ùh joq pì khoe hèm hwang ? majah qmang aih pì ùh qnì ka bàu Hset dadròeh xam kan itai Boc Plinh 25 Jò mangai cachit rìh hlài , wì ùh i yôc mai ,hadai ùh yôc ổng , mahaq bài mangai rìh hlài aih rìh tiah ka bình plinh oe ta diac plinh. 26 Anoe trùh bài mangai cachit rìh hlài aih , ta hset Môise i achìh bàu Boc Plinh capoch ka haq tanòe xem yila rameh : Au kô Boc plinh da Apraham , Boc Plinh da Ysac ,Boc Plinh da Jacôp ,pì ma

qnhòq đöc ?27 Haq ùh xài Boc Plinh da bài mangai cachit , mahaq Boc Plinh da bài mangai rih.! Pì qmat joq khoe hèm liq”.

Yùp hlài ranenh.....

28 I mòeq ngai hnài ranenh tàng bàu wì tarahen, haq hnoq Chuaq Jesus têu bàu diq jaq rabiaq , haq aih thia ka haten hu bòch : Dìq dǒng ka bài ranenh , ranenh maleq ma yeo kàn dǒng ?29 Chuaq Jesus padreo bàu “ Kô ranenh ma yeo kàn : Dìq ka mangai Isorali tamàng kô ! Chuaq aih Boc Plinh da bèn ,i moeq Chuaq raq .30 Loq waq ka haq diq ka cliac ,dìq ka mahua yiang , dìq ka manoh , dìq ka padren hiwa .31 Kô ranenh ma atiq , thê loq waq ka magai haten hatia qmang ka cla pì .Ùh i ka ranenh leq yeo kàn ùh hnau ka baiq ranenh kô”. 32 Mangai hnài ranenh doe : Ìh anoe troq joq qnàng ! I mòeq Boc Plinh raq , enh gùng ka haq pì i ma qnoeq hòmm .33 Joq ep loq waq ka Haq diq ka cliac , dìq ka manoh ,dìq ka padren hiwa ,rai loq waq ka mangai haten hatia tiah dèh cla , aih lem ùh hnau ka tadreo bũh , ùh hnau ka hang tadreo ma qnoeq.34 Chuaq Jesus hnoq haq aih padreo bàu qmang ka mangai rabiaq , Chuaq Jesus doe “ Ìh pì hangai ka diac Boc Plinh” . Pang aih pì i cabô oe hùà bòch Haq cleq hòmm .

Christ aih kon cabô.....

35 Jò Chuaq Jesus yòng hnài wì tanòe hnim kũh waiq , haq bòch “ Hagleq bài mangai hnài ranenh doe Christ aih kon Đawit ? 36 Cla Đawit jò Yiang Hadròeh mahno , haq doe :

Chuaq khoe doe ka Craq au :

Hangui enh pah qma au ,

trũh jò au roh bài mangai tablêq ka ìh enh qneq ka jènh ìh.”

37 Cla Đawit khoe creo ka Haq : Craq au ! aih wìa ka haq oe broq kon Đawit qmang leq? Bài mangai ma bàc ta aih diq jaq enh tamàng bàu haq rai lem bùi .38 Jò hnài wì , Chuaq Jesus doe “ Ngan oq ,pì ep wèq rađeh ma khoe ka bài mangai hnài ranenh, bài mangai enh toq caxũnh eo yôh lam bayrát , enh waq toq mangai qnoeq kũh gàu ka rađeh taqne nòe padro ,39 tanòe hnim tagop xam nòe acaq yiniang enh hangui toq nòe ma rahù , 40 wì haq lonh apom hnim mangai cadrì hadrô , mahaq broq dèh waiq khàn waq ka yôh , trũh jò hadrah wì aih èh ep pòq kan baxa yeo trap hòmm .

Mangai gucad rì hadrô.....

41 Chuaq Jesus hangui tangèa ka nòe òeđeq tah b̃ac ,rai ngan wì ta aih tah dèh b̃ac qmang leq . Bàc ngai padrǒng tah qmòe cab̃ac. 42 Mahaq i moeq ngai gucadrì hadrô pa, lam tah baiq hliac b̃ac , 43 Chuaq Jesus creo dèh ka bài mangai tiaq hǒc trũh ,haq doe “ Joq qnàng au anoe ka pì ,mangai cadrì hadrô kô haq pa ,mahaq khoe tah yeo bàc ùh hnau diq dǒng ka wì qnoeq. 44 Majah qmang aih , bài mangai qnoeq yǒc toq rah òeđeq tah tacô , yàng da mangai hadrô kô , haq diq jaq pa ,mahaq haq khoe tah diq dǒng dèh hliac b̃ac òeđeq huban rađeh.

Kan raliang tanòe hnim kũh waiq.....kan pateo da hì atiq lùch.

13.

1 Jò Chuaq Jesus bu loh enh hnim kùh waiq, i mòeq ngai tiaq hóc doe ka Haq : Ìh ngan tau , bòe hmo ta hnim meh lem dàng leq! 2 Chuaq Jeus padreo bàu “ Ìh hnoq bài hnim kàn kô qmòh? Kô èh pì i mòeq toq hmo leq tacô oe jah raxon enh qnhèq ka hmo qnoeq hòh , òi q dõng taclih taqneq. 3 Jò Chuaq Jesus hangui ta wang Oliu , tajang ka ngèa hnim kùh waiq, jò ùh i ka mangai qnoeq ,Phiero, Jaco ,xam Jon thia bòch haq: 4 Ìh anoe ka nhèn loq ðeh diq , jò leq men loh bài yiniq aih? Èh i cleq patô am ka nhèn hu canau khoe trùh jò pagêh .? 5 Chuaq Jesus doe ka wì “ Ngan oq! Paq dõq cabô trùh qnùt pì . 6 I bàc ngai yóc yiniq au ðòeq trùh ta pì , wì doe : Au kô raq Christ! Èh wì qnùt bàc ngai, 7 Jò pì tàng kan tajêh poh , pì hĩa trùh trong tablah,ta manoh pì ùh dùh lèt . Bài yiniq aih ep trùh , mahaq hì pulùch qnhòq trùh . 8 Gùng tamoe kô yòng tablêq ka gùng tamoe tau, Diac kô yòng tablêq ka Diac tau . Bàc nòe taneh loh ka ralàng , bàc nòe loh ka pangot hrah . Aih bu diang kan baxèm jìq hauang . 9 Pì ep wèq raðeh,wì loq rùp qnoh pì tanòe hadrah rai blai pì tanòe hnim tagop . Jao au kô èh pì majah ep yòng enh ngèa bài cwan kàn ,bài bùa ,ðòeq hu panhìn ka wì. 10 Mahaq adroe diq dõng , Bàu lem ep waq ka jah anoe jàp ka mangai òeq, 11 Jò wì rùp qnong pì , apaq yùq ðeh ep anoe cleq, mahaq hì trùh ðeh jò, pì toq tapoch tiaq bàu ma am ka pì , aih ùh xài cla pì tapoch ðeh bàu , mahaq Yiang Hadròeh tapoch. 12 Jò aih èh, oh daq blòq ðeh oh daq ka cachit , baq blòq ðeh kon, bài kon tablêq ðeh ka miq baq , waq ka wa cachit. 13 Jao au kô èh diq ka phù cròng wiang git ka pì ,mahaq mangai leq ma cajap manoh trùh lùch haq aih èh ma jah ðèch .

14 Jò pì hnoq kan raliang ,kan pada broq tanòe ma ùh khòh broq (cabô ðóc ep loq) , jò aih mangai leq oe ta gùng Judê drah cadàu tót ta wang , 15 mangai leq oe ta kùa po hnim ùh dùh loh ðeh , ùh dùh mùt ta hnim hu qnhon qnoh dahwèq. 16 mangai leq oe ta gùng apaq wìh hlài hu yóc eo . 17 Jò aih , hãbo ka bài mangai gucadri qnang oe jiang hloe xam bài magai kon oe ùq! 18 Drah waiq khàn dõq bài yiniq aih ùh hĩaq trùh glàm jò ralim . 19 Majah qmang aih bài hì aih i kan ranàc kàn , enh jò Boc Plinh baxèm broq plinh cròng taneh trùh manòeq qnhòq lah i qmang aih, trùh hloe ta atiq kô èh dua ùh i qmang aih. 20 Tàng joq Boc Plinh ùh pot qnah bài hì aih dõq haq yì ðeq , pì i cleq ma oe rìh. Mahaq taiq bài mangai haq ma khoe ràih haq majah khoe broq ka bòe hì aih yì ðeq. 21 Jò aih tàng joq i cabô doe ka pì :Hacô Christ oe ta kô , ùh meh wì doe : Haq oe ta tau , pì apaq lùì. 22 Bàc Christ patiah , pajàu patiah trùh ,broq bàc trong halac ,tàng majah wì haq enh padô qmòe mangai ma khoe jah ràih raq. 23 Ngan oq wèq raðeh ,Au khoe anoe ka pì loq adroe. 24 Oe ta bài hì aih , atiq ka kan nanxa , mat mahì loh ka clam, mat khê pì sreo qngah hòh, bài halang ta tróc taclih ka raðeh, chac plinh hanoh loh ka dalàc . 26 Jò aih wì ma hì hnoq Kon Mangai trùh enh yùc plinh xam kan cwiàng itai kàn , kan ranhòm kàn . 27 Haq hì thê ðeh bình plinh trùh gop bài mangai khoe jah ràih enh pòn bè ta cròng taneh , enh caqnàm plinh kô trùh caqnàm plinh tau. 28 Tamàng rai hóc bàu aliah trùh long póc : Jò hamenh haq bu plòh hamõng loh ramot , aih pì loq khoe ten trùh jò padrang. 29 Hanoh qmang aih diq , jò pì hnoq bài yiniq aih trùh, pì loq ,Kon Mangai trùh khoe haten ,haq oe ajang trong qmang. 30 Joq qnàng au doe ka pì : caxi noe kô ùh hnhung adroe ka bài yiniq aih trùh. 31 Plinh cròng taneh kô èh hnhung ,mahaq bàu au ùh jò leq hnhung. 32 Mahaq hì mang jò aih , ùh i cabô loq, yac ka bình plinh oe ta plinh , yac ka Kon ,mòeq ngai cla Baq raq ma loq ðeh. 33 Thê pì wèq ra ðeh,pì hmàng hamang oq, majah qmang aih pì ùh qnì jò leq yiniq aih trùh. 34 Yiniq aih tiaq ka mòeq ngai lam hangai ,Haq caðac ðeh hnim , thê ðeh bài hapõng broq mòeq ngai mòeq yiniq, haq hanoh i thê mangai riu gòm qmang. 35 Qmang aih , pì ep riu gòm , majah qmang aih pì ùh loq cla wì craq hnim hlài jò leq, jò mahì wìh ,jò qne

mang ,jò ia rông , loq jò bu qngah, 36 Beq rayeq cla wì craq hlài hlaiq ,glàm jò pì qnang oe raq kùì .37 Bàu au anoe ka pì kô ,au hadai anoe ka bàc ngai qnoeq :Hmàng hamang oq!”.

Xùt dầu ka Chuaq Jesus ta plài Bêthani...

14..

1 Baiq hì adroe ka hì ramènh pan cwa xam ramènh acaq bênh ùh wàt blo , bài pajàu kàn xam bài mangai hnài ranenh hatinh ka dabau chaq trong rùp Chuaq Jesus ka hlèp hu jêh cađac .2 Wì doe : ùh khòh broq yiniq kô ta hì ramènh , yùq ka phù cròng loq loh ka tagruàng.

3 Jò Chuaq Jesus oe ta plài Bêthani , ta hnim Simôn,mangai bacùn ,haq qnang hangai acaq, i moeq ngai gucadrì trùh ,tì haq wê moeq toq cabi broq xam hmo ngốc, enh dalam tah bình dầu xua thùm canaq bac , haq tùq padah cabi dầu aih , èh ùc dầu xua thùm ta gàu Chuaq Jesus .4 I biaq ngai ta aih nòeh ka haq ,wì anoe ka dabau : Hagleq maloq racaih ka dầu canaq qmang meh?5 Tech dầu qmat jah loe piq hrinh đoniê ,yôc bac aih ajoq jah am ka mangai pa ? khoe ka aih wì tapoch ka mangai gucadrì aih oe loh cleq. 6 Mahaq Chuaq Jesus doe ka wì “Apaq troq haq , hagleq pì ma tapoch ka haq? Haq qmat khoe broq moeq yiniq lem ka au .7 Majah qmang aih yac ka jò leq dua i mangai pa oe dudan ka pì , pì enh broq trong lem ka wì aih jò leq ma ùh jah, mahaq au ùh i oe yôt ti pì.8 Mangai gucadrì kô khoe broq trong haq jah broq .Haq xùt dầu ta chac au adroe ðòeq hu padon catùh hanang au.9 Joq qnàng au doe ka pì : Diq ka cròng taneh kô ,waq toq nòe leq Bàu Lem jah hnài , trong haq ma khoe broq kô èh hadai jah ràu qnoh , ðòeq hu hmàng trùh haq.

Mangai blòq Chuaq Jesus.....

10 Taqne wì moeq jàt baiq ngai ,i moe ngai yiniq haq Juda Icariôt , lam trùh ta bài mangai pajàu kàn ðòeq hu tech Chuaq Jesus ka wì .11 Tàng bàu aih wì aih diq jaq manè , wì têu bàu am ka haq bac . Pang aih Juda rap gòm toq jò leq bu taqnàih ,haq hi rùp Chuaq Jesus am ka wì.

12 Hì baxèm da ramènh kaq bênh ùh wàt blo , aih hì jêh kon triu broq tadreo ka ramènh Pan cwa , bài mangai tiaq hóc bòch haq : Ìh enh nhèn lam padon ka ìh kaq ramènh Pan cwa taleq? 13 Haq thê baiq ngai tiaq hóc lam , haq tanap “ Mùt ta plài qmat , chòp hnoq moeq ngai qnang kôì abôq diac , chòp tiaq haq aih .14 Haq aih mùt hnim leq , chòp doe ka cla wì craq hnim aih : Mangai hnài bòch “ Aleq nòe aniang au hu acaq ramènh Pan cwa dèh ti mangai tiaq hóc ?15 Haq aih hi patô ka chòp nòe aniang anòh oe enh qnhèq , rìm yiniq ta aih khoe palauq qmòe .Padon ka bèn ta aih èh.16 Wa mangai tiaq hóc hi lam, wa mùt ta plài , glàm tìah ka bàu troeq bàu Haq thê , wa hi padon ramèng Pan cwa 17Xèq aih , Jesus sam bài mangai tiaq hóc trùh ta aih. 18 Jò diq đống wì haq qnang hangui acaq , Haq doe “ Au anoe joq qnàng ka pì ,i moeq ngai oe taqne pì kô , haq acaq moeq qmang ka au mahaq haq blòq đac au.”19 Bài mangai tiaq hóc mangò pi cajaq , khoe ka maleq trùh maleq , wì bòch haq : A hìaq au? 20 Chuaq Jesus doe “ moeq ngai oe taqne pì moeq jàt baiq ngai , mangai ma chùq bênh pajùm ti au ta doe kô .21 Majah qmang aih Kon mangai kô èh loh lam, tìah ka bàu khoe achìh ka haq ,mahaq habo ka mangai ma blòq haq, apaq ha-uang qnoh haq aih xan ka ùh hnau hòm”. 22 Jò qnang acaq , Chuaq Jesus yôc bênh , manè apôi, khoe aih haq goh ,qnèp dèh ka bài mangai tiaq hóc , rai doe “ Drah yôc beq , kô chac au .” 23 Haq rùp doe chròng ,manè apôi ,khoe èh

am dèh ka bài mangai tiaq hốc , maleq diq ôq enh chrông aih .24 Haq doe ka wì “ Kô mahim au ,mahim da kan tajao dahrôq qnoh ka bác ngai . 25 Au anoe joq qnàng ka pì ,au pì ôq pì diac nho kô hòm , trùh hì au ôq pì nho niu oe ta diac Boc Plinh.26 Jò khoe calêu hset hadròeh , Chuaq Jesus xam bài mangai tiaq hốc lam tồc ta wang Ôliu .27 Chuaq Jesus doe ka mangai tiaq hốc “ Diq ka pì tacro dồng , majah qmang aih i bầu khoe achih : Au hì jêh cla mangai ban trùu , trùu haq hì paclac diq dồng .” 28Mahaq jò au rìh hlài èh, au lam trùh ta Galili adroe ka pì.” 29 Phiero haq doe qmòe : Yac ka diq dồng rìm ngai tacro , au dua ma ùh .30 Chuaq Jesus padreo bầu “ Joq qnàng au anoe ka ìh , hì kô ,qmang kô raq, adroe ka ìa rông baiq yàng , ìh khoe piq yàng hangah đêh ùh qnì ka au.” 31 Mahaq dua Phiero doe : Yac ka au ep cachit ti ìh , dua au ùh hangah đêh ùh qnì ka ìh. Diq dồng ka wì qnoeq hadai anoe moeq bầu qmang aih.

Oe ta Gêtsesmane.

32 Khoe aih, wì lam trùh moeq nòe , ta aih wì creo Gêtsesmane , Chuaq Jesus doe ka bài mangai tiaq hốc “ Pì hangui ajang kô , gòm au waiq khàn .33 Haq qnung Phiero , Jaco , xam Jon tiaq haq , aih èh Haq hì loh ka cadrôt rai mangò.34 Haq doe ka wì piq ngai “ Mahua yiang au mangò haraya trùh cachit , pì oe tacô ,hmàng riu gòm oq.” 35 Khoe èh, Haq lam yeo hangai toq bìa, bla op rađeh ta taneh rai waiq khàn rameh tàng jah , dōq jò kô cwa đac dồng khoe ka rađeh.36 Haq creo “Aba ,waiq Baq , rìm yiniq Ìh broq jah diq dồng ,au waiq Ìh dèch đac doe chrông kô ma khoe ka au , mahaq apaq tiaq manoh au enh , tiaq manoh Baq ma enh.” 37 Khoe aih, Haq wìh hlài ,hnoq piq ngai khoe kùì , haq doe ka Phiero “ Simôn,ìh kùì qmòh! Moeq jò ìh riu ma ùh jah? 38 Riu rai waiq khàn beq , dōq pì ùh hìaq taclih ta kan padô aluàn , manoh aih enh raya mahaq chac aih ùh nèn” .39 Haq lam hòm , rai waiq khàn qmang ka yàng adroe.40 Haq tawìh hlài, hnoq mangai tiaq hốc oe raq kùì , majah qmang aih mat wì haq pì jah tablêch qmòe , wì loh ka pì qnì têu haq mang leq. 41 Haq tawìh hlài yàng piq , doe ka bài mangai tiaq hốc “ Manòeq kô pì oe raq kùì rai padài qmòh ! Hêq , kô khoe trùh jò , Kon Mangai oe toq ma hì mùt ta tì kōng bài mangai broq dù. 42 Yòng beq! Hatau ,mangai ma blòq au trùh khoe ten”. 43 Haq oe raq anoe , tajòe qmòe , Juda mangai ma hadai oe ti wì moeq jàt baiq ngai tiaq cla khoe trùh ,lam moeq qmang ti haq i bác ngai wê chang xam bài long dùi , wì aih trùh enh nòe bài pajàu kàn , bài mangai hnài ranenh , enh wì gucraq .44 Mangai ma blòq Chuaq Jesus ,khoe tanap ka wì qmang kô : Au hìp mangai leq, mangai aih raq , pì rùp qnung ma rabiaq oq. 45 Qmang aih ,jò bu trùh Juda thia ka haten ka Chuaq Jesus ,haq doe : Rabi ! khoe aih haq hìp Chuaq Jesus. 46 Wì aih hì rùp Chuaq Jesus.47 I mòeq ngai oe ten aih , dot qnoh pla chang yôh, jêh hapōng pajàu kàn , koh taclih hla don mangai aih.48 Chuaq Jesus tapoch ka wì “ Pì wê chang wê long dùi lam rùp au tìah ka mangai atùng. 49 Rìm hì au oe taqne pì , hnài ta nòe hnim kùh waiq, gleq pì ùh rùp au ? mahaq yiniq kô loh qmang kô đòeq xit ka bầu Hset hadròeh”.50 Jò aih rìm ngai khoe cadàu amot ,cadac dồng haq . 51 I mòeq ngai radam lam tiaq Chuaq Jesus , haq taqmàn rađeh xi moeq blah mù briang , jò wì rùp haq .52 Haq cadac hloe dèh mù briang , cadàu qmòe rahòng .

Jesus yòng enh ngèa ka Caiphe....

53 Wì aràng Chuaq Jesus trùh nòe pajàu haqnêq , bài mangai pajàu kàn i diq ta aih, bài gucraq ,bài mangai hnài ranenh hadai tagop ti dabau ta aih. 54 Phiero tiaq Chuaq Jesus , haq ti tayoe enh hangai, trùh tanòe hamlang hnim pajàu haqnêq . Haq hangui ti bài mangai linh rai qnhia ùnh pajùm ti wì ta aih.55 Bài pajàu kàn ,xam diq ka craq hadrah wiang chaq trong hu tablêq ka Chuaq Jesus , đòeq hu jah jêh đac haq

,mahaq wì haq chaq ùh loh . 56 Bacc ngai wiang yòng tapoch qmùt ka haq, mahaq bàu wì aih tapoch ùh tacap ka dabau.⁵⁷ Atiq ka aih i biaq ngai yòng tapoch dech ka haq : 58 wì doe :Nhèn i tàng haq doe : Kô èh au raliang cadac hnim kùh waiq tì kǝng kon mangai ma khoe broq kô ,khoe aih piq hì au broq ònh hnim kùh waiq qnoe , ùh xài broq xam tì kǝng kon mangai.⁵⁹ Mahaq bàu kô ,dua wì haq tapoch ùh hatroq ka dabau . 60 Khoe aih ,pajàu haqnheq yòng enh ngia wì aih ,haq bòch Chuaq Jesus : Ìh ùh têu hlài moeq nà bàu cleq trong wì ma tapoch ka ìh qmòh?⁶¹ Mahaq Chuaq Jesus oe hatinh , ùh têu mòeq nà bàu. Mangai pajàu haqnheq bòch hòmm : Ìh qmat Christ , kon Boc Plinh ma khòh manè apôi joq ùh? ⁶² Chuaq Jesus padreo bàu “ Joq Au raq! , atiq èh pì hi hnoq Kon Mangai hangui apah qma ka Boc Plinh dìq jaq haqnheq i cwiang itai , hangui taqne yùc plinh òeq loh ta crǝng taneh”. ⁶³ Jò aih , mangai pajàu haqnheq hic dèh eo rai doe : Bèn oe ep chaq dèh yiniq qnoeq hòmm ?⁶⁴ Pì akhoe tàng bàu haq ùh hòq qmòe ka Boc Plinh? Pì hèm qmang leq ? Rìmm ngai doe : Haq qmat troq ka cachit .⁶⁵ I ngai cachòh ka Chuaq Jesus , srùp hadrò haq , rai tùc rai doe ka haq : Tapoch pajàu beq. Bải lình yǝc long tong haq.

⁶⁶ Phiero qnang hangui ta hamlang , i moeq ngai gucadrì hapǝng pajàu kàn trùh jang aih.⁶⁷ hnoq Phiero oe hangui qnhia ùnh , haq chrìh ka haten khoe èh haq doe : Ìh hadai oe moeq qmang ti Jesus ,mangai Naxaret .⁶⁸ Mahaq Phiero hangah : Au ùh qnì , hadai ùh loq tàng ìh anoe cleq .Khoe aih haq yòng loh enh gùng ka hamlang ,ia hi rǝng. ⁶⁹ Mangai hapǝng cadrì aih hnoq haq ,doe hòmm ka wì ta aih: Mangai kô hadai bua wì tau raq .⁷⁰ Mahaq Phiero hangah hòmm . Moeq ahyàc hòmm , wì ma oe ta aih doe ka Phiero : Hi loq ka ìh moeq bua ti wì tau , majah qmang aih ìh hadai mangai Galili.⁷¹ Phiero hapah rai doe : Joq au ùh lòm canau ka mangai ìh ma anoe aih! ⁷² Adrình hloe jò aih, ia hi rǝng yàng baiq ,Phiero hmàng hlài ka bàu Chuaq Jesus khoe anoe adroe ka raðeh:Adroe ka ia rǝng baiq yàng , Ìh piq yàng hangah ðeh ùh qnì ka au. Hèm ka bàu aih, haq toq moe .

Enh ngèa ka Philat....

15 ..

1 Bu qngah , bải pajàu kàn hatinh ti bải gucraq ,bải mangai hnài ranenh xam dìq ka mangai oe ta hnim hadrah , jò khoe kàtt wì hi qnung Chuaq trùh ka Philat . ² Philat bòch haq : Ìh kô raq bùa da mangai ùh xài ?Chuaq Jeus têu bàu : Wop qmang ka bàu aih.”³ Bải mangai pajàu kàn ta qmòq ka haq bacc trong .⁴ Philat bòch hòmm :Ìh ùh têu moeq nà bàu cleq qmòh? Ngan ! wì ta qmòq ka ìh bacc trong !⁵ Mahaq Chuaq Jesus dua pì têu tam moeq bàu cleq hòmm , Philat loh ka hamàih.

⁶ Khoe hmaq , rìmm hanam trùh hì ramènh Pan cwa cwan caqnaih moeq ngai broq yiniq lui loh enh hnim tù , tiaq bàu wì bòch. ⁷ Jò aih i moeq ngai yiniq haq Banaba ,wì clèh pajùm ti bải mangai yòng tablêq ka chèngh phù , majah qmang aih jò yòng tablêq ,wì haq i jêh ðac mangai. ⁸ Mangai Jùða trùh , wì haq bòch Philat caqnaih ka wì haq moeq ngai qmang hmaq caqnaih rìmm hanam. ⁹ Philat padreo bàu : Pì enh au caqnaih bùa Jùða ka pì ùh? ¹⁰ Majah qmang aih Philat loq wì mangai pajàu kàn majah rùp Chuaq Jesus aih jao wì taji q ka haq. ¹¹ Mahaq bải pajàu kàn basrùq mangai Jùða bòch Philat caqnaih Banaba ka wì haq. ¹² Philat bòch hòmm : Tàng qmang aih manòeq kô pì enh au broq qmang cleq ka mangai pì ma doe haq Bùa mangai Jùða? ¹³ Wì cajiah cadèh : Drah tiang haq talong pagat! ¹⁵ Philat enh broq lem ka manoh mangai

Juđa , haq hi caqnaih Banaba ,èh thê wì blai Chuaq Jesus ,khoe aih dôq wì qnung Chuaq Jesus lam tiang ðinh talong pagat.

¹⁶ Bài linh aràng Chuaq Jesus mùt ta bluang kàn , aih nòe ðòeq hu hadrah , creò ðìq ka linh ta aih tagop ti dabau.¹⁷ Wì paclùm ka haq moeq blah eo gòh , wì tênh moeq toq cadoh yila pacôi ta gàu haq ,¹⁸ wì tapoch ka Chuaq Jesus : Waiq bùa Juđa! ¹⁹ Wì yỏc long ðùi tong gàu haq , cachôh ka haq rai hacùn cràng kùh waiq haq , wì broq qmang aih bàc yàng .²⁰ khoe ka wì halê do ka haq qmang aih, wì lêh ðac eo gòh , caxùnh hlài eo da cla haq, khoe aih aràng haq lam hu tiang ðinh talong pagat.

Jesus talong pagat...

²¹ I mòeq ngai Siren , yiniq haq Simôn ,baq da wa Alet-san-ðo xam Ruphu ,hlài enh ruàng ,lam trong aih , wì rùp haq thê haq xùi long pagat .²² Wì qnung Chuaq Jesus trùh nòe go wì ma creò Gôgotha (bàu aih la cadôh gàu) ²³Wì am ka haq ôq alac clai pajùm ka jan long xua thùm , mahaq haq ùh waq ôq. ²⁴ Khoe ka tiang ðinh Haq talong pagat , wì ta axong ka dabau eo yôh haq , wì pàih panàih ðòeq ngan maleq jah waq yiniq cleq.²⁵ Jò wì tiang ðinh haq ,aih bu hachìn jò ði sroq .²⁶ Capiac long ban qyoh enh gàu long pagat , wì achìh bàu ðòeq taqmòq yiniq lui ka haq : BÙA MANGAI JUDA.

²⁷ I baiq ngai atùng wì hadai tiang ðinh wa aih ti haq , mòeq ngai talong pagat apah qma ka Haq, moeq ngai talong pagat apah qngeo ka haq.(I qnah hset noeq tam brong ²⁸) “Qmang aih wì khoe alùh haq pajùm ka bài mangai ðù.” ²⁹ Bài mangai lam pagat trong aih halê do haq , wì ngù ngiù gàu doe: Ùih ! Ìh mangai doe ðeh raliang caðac hnim kùh waiq , piq hì broq ònh hì gêh ,³⁰ doeh raðeh ,loh enh long pagat qmat beq. ³¹ Bài mangai pajàu kàn xam mangai hnài ranenh hadai ta anoe ka dabau qmang aih , wì halê haq qmang aih : Haq doeh mangai qnoeq mahaq doeh raðeh ùh jah !³² Aleq! Christ bùa Isorali ,loh enh long pagat qmat beq , dôq nhèn hnoq ,aih èh nhèn hu lùì. Wa baiq mangai wì ma tiang ðinh ti haq hadai halê haq .

³³ I kan clam cluiq jàp ðổng gùng aih ,enh qne hì trùh piq jò ði xèq .³⁴ trùh piq jò ði xèq , Chuaq Jesus creò bàu ðêh “ Ê-lo-i , Ê-lo-i, lam-ma-sa-bat-ta-ni.” Bàu aih rameh :Boc Plinh au ,Boc Plinh au .Hagleq Ìh majah caðac au.³⁵ I wì ma yòng ta aih ,wì doe: Tamàng aih ,Haq qnang creò ka Êli. ³⁶ I mòeq ngai oe ta aih cadàu yỏc capaih chùq ta ðiac jòq , ðòeq ajang goe long ðêch am ka haq ôq rai doe : Dôq haq! ðòeq bèn ngan Êli i trùh doeh haq ùh? ³⁷ Mahaq Chuaq Jesus creò moeq nà bàu cadêh , khoe aih haq pat hihêm.

³⁸ Bai prinh ta hnim kùh waiq dahic broq baiq enh qnhèq trùh ta qneq.³⁹ Cla craq bài linh oe tajang ka Chuaq Jesus ,hnoq haq pat qmang aih , haq doe: Mangai kô joq Kon Boc Plinh. ⁴⁰ I bài mangai gucadri yòng ngan ðeh enh hangai . Ta wì aih i Mari maðolen , Mari miq da wa Jaco qyoh xam Jôsep, xam Salomê.⁴¹Aih piq ngai ma khoe tiaq patih ka haq jò oe ta Galili, hanoh i bàc ngai gucadri qnoeq hòmm , aih bài mangai khoe tiaq haq tồc ta Jêrusalem.

Catùh hanang Jesus ...

⁴² Hì aih wop hì padon ,hì adroe ka hì Sabat ,jò trỏc khoe ten clam , ⁴³ I mòeq ngai oe ta Arimathê ,yiniq haq Jôsep mangai broq kàn tanòe bài mangai broq gàu Juda ,haq aih hadai xan tangèh gòm ðiac Boc Plinh

.Haq pacraq dèh manoh thia ta Philat òòeq hu bòch hanang Chuaq Jesus.⁴⁴ Philat hamàih haraya tàng doe Chuaq Jesus cachit rêngh qmang aih ,haq creò ka mangai cwan bài linh hu bòch Chuaq Jesus cachit a khoe dùnh .⁴⁵ Bu tàng cla craq bài linh anoe, haq hi am Jòsep yòc hanang Chuaq Jesus. ⁴⁶ Jòsep khoe rot òòeq bai hu lòm hanang ,qnoh hanang Chuaq Jesus loh enh long pagat , haq yòc bai lòm chac Chuaq Jesus khoe aih òòeq ta ralùng hanang haq ma khoe pùng tanòe hmo kàn .Khoe èh ,cadro hmo kàn padit ajang ngah ralùng.⁴⁷ Mari mađolen ,xam Mari miq Jòsê ,hanoh hnoq nòe catùh Chuaq Jesus.

Jesus rih hlài..

16 .

¹ Bu khoe ka hi Sabat ,Mari mađolen , Mari miq da Jaco , xam Salomê ,rot dầu xua thùm lam hu qnheo hanang Chuaq Jesu .² Hì gàu tuàng, sroeh sroq jò mat mahi butóc , wì piq ngai aih lam ta ralùng ³ Wì rai tanoe ka dabau : Cabô ma cadre hmo padit ajang ngah ralùng ka bèn kô èh?⁴ Jò wì haq ngan, hnoq hmo aih khoe cadre , hmo aih kàn haraya.⁵ wì haq mùt trom ta ralùng , hnoq moeq ngai radam hangui pah qma , caxùnh eo yòh taboc , wì haq crè pi cajaq .⁶ Mahaq mangai aih doe ka wì haq : Apa q yùq dèh , pì chaq Chuaq Jesus mangai Naxaret , Mangai wì makhoe tiang òòeq talong pagat, Haq khoe rih hlài ,Haq pi i oe tacô , trùh ngan nòe wì ma khoe taqngui haq beq.⁷ Mahaq drah lam anoe ka mangai tiaq hóc haq hloe xam Phiero , Haq lam adroe ka pì mùt ta Galili. Ta aih èh pì hnoq Haq , qmang ka bàu Haq khoe anoe ka pì.⁸ Bài mangai gucadri aih loh enh ralùng hanang ,cadau amot rai yùq rai hamàih , ùh hua anoe ka cabô cleq ,majah qmang aih wì haq crè pi cajaq^(*)

⁹ Chuaq Jesus khoe rih hlài sroeh sroq oe ta hi baxèm gàu tuàng ,angoe aih haq mahno rađeh ka Mari Mađolen , aih mangai haq ma khoe drùh qnoh tapèh toq kiac dù .¹⁰ Mangai gucadri aih lam patinh ka bài mangai adroe aih ma khoe tiaq Chuaq Jesus ,mahaq manòeq qnang mangò crò hmo.¹¹ Mahaq jò wì aih tàng mangai gucadri aih doe Chuaq Jesus khoe rih hlài , èh rađeh khoe hnoq haq, wì ùh lùì.

¹² Atiq ka aih , Chuaq Jesus yòc chac qnoeq hò m òòeq hu mahno rađeh ka baiq ngai tiaq hóc , jò wa aih qnang hlài dèh gùng.¹³ Wa aih drah lam patinh ka wì qnoeq loq diq, mahaq dua ùh i cabô lùì.

¹⁴ Atiq hò m, haq mahno rađeh ka moeq jàt moeq ngai tiaq hóc jò wì aih qnang acaq, Haq i tapoch cwò ka wì ma ùh i manoh lùì , manoh ma cadoq ,ùh lùì bàu bài mangai ma khoe hnoq haq rih hlài .¹⁵ Haq thê wì aih “ Dra h lam jàp diq cròng taneh , anoe Bàu lem ka rì m ngai .¹⁶ Mangai leq lùì rai chiuh broq baptem haq aih jah dèch ,mangai leq ùh lùì haq aih èh jah pòq yòc kan hadrah .¹⁷ Bài mangai ma lùì aih èh jah kan halac kô : Wì jah yòc yiniq au òòeq drùh qnoh kiac dù , jah tapoch bàu neo .¹⁸ Cadop bì h ta tì , tàng ôq yiniq ma ùh khòh, dua ùh hia troq cleq , yòc tì bèq mangai ùh hróc,mangai ùh hróc jah brêh .

¹⁹ Atiq ka Chuaq Jesus anoe ka wì qmang aih,khoe èh haq jah dèch atóc ta plinh , haq hangui enh pah qma Boc Plinh.²⁰ Khoe aih , mangai tiaq hóc loh lam rai anoe jàp jia , Chuaq wiang broq pajum ti wì , rai yòc bài kan halac acop tiaq òòeq broq cajap deh ka bàu . .

